

NIGICOA GONIOTAGODI JESUS ANE IKEETE JOÃO

Nigica João naḡa idí naḡadi notaganagaxi, nigicoa nokododi loiigi Goniotagodi eliodi moiatetibece inatawece iḡo. Eliodi anonigodi, icaeledi boḡoniwilotiniwace. Nigicoa nokododi João joḡoxiigodi, oḡa joḡoyokoleticogi minitaga lidelocawaanigi anodita Patmos leegodi me yatematitedibece nibodicetedi aneetece Cristo.

Liwigo Aneotedoḡoji eote João mijoa icoa lakataḡa micataḡa daḡa ligeedi. Nigica naḡa nadi icoa lakataḡa, Goniotagodi Jesus ja dinikeeteta, oḡa ja iḡe me didikotibige icoa seete lapoli loiigi Cristo. Nigidiaaḡidi João ja nadi lapotibece ica anodoḡetetibige Aneotedoḡoji iniaa Goniotagodi Jesus. Nigidiaaḡidi João ja nadi icoa aanjotedi anonadeegitedinigi iḡo icoa nawikodico Aneotedoḡoji anicota me niḡetedini digoina iḡo nigica nige owidijedi nokododi leegodi libeyaceḡeco oko. Codaa aḡaḡa nadi Aneotedoḡoji anigotediogi diaabo, inaḡinao niwicidi abeyacaḡaḡa, codaa me niḡina oko anidioka limedi me nakapetegi Aneotedoḡoji. Nigica owidijegi ane nadi, nadi ica gela ditibigimedi, icaaḡica gela iḡo, acaḡaḡa gela nigotaḡa anodita Jerusalém Aneotedoḡoji ane yoetetema loiigi. Ane leegodi João me idí naḡadi notaganagaxi leegodi me yemaa meo loniciwaga me datitetiniwace niḡina minoa ane dakaketema, codaa me datitetiniwace me deḡeyamaḡaticoace

meniwaḡatakanaga, leeḡodi moyowoḡodi Cristo naḡa iḡeke inoatawece ane beyagi. Leeditibige monalaḡatibige niḡicoa anele ane yajigotediogi Aneotedoḡoji nige dopitedijo Jesus.

Diniditelocono naḡadi notaḡanaḡaxi niḡicoa anodaḡeeteda niḡicoa owidijedi nokododi

¹ Diniditelocono naḡadi notaḡanaḡaxi niḡicoa Jesus Cristo ane ikeeteta João. Aneotedoḡoji ikeete Jesus Cristo, eotedibige maḡaga ikeetediyogi liotagipi niḡicoa ane daḡadiaa leegi oḡaa jiḡicota me jinataḡa. Goniotagodi Jesus Cristo iḡe niaanjo me ikeeta João niḡijo liotagi Goniotagodi, eotedibige me yowoḡodi anodaḡeeteda niḡicoa ane icota me jinataḡa ganigida noko. ² Oḡaa João yatemati icoatawece niḡicoa ane nadi. Oḡaa maḡitaḡa naḡadi notaḡanaḡaxi diniditelocono niḡicoa aneetece lotaḡa Aneotedoḡoji, niḡicoa Jesus Cristo ane ikeeteta João. ³ Aneotedoḡoji ibinie niḡina ane yalomeḡetema eledi oko naḡadi notaḡanaḡaxi, codaa ibinietediogi niḡina anowajipata codaa anoyiwaḡadi lotaḡa naḡadi notaḡanaḡaxi ane ikee anicota me igote Aneotedoḡoji niḡicoa owidijedi nokododi. Leeḡodi ja nipeḡi micota ane diniditelocono naḡadi notaḡanaḡaxi.

João yecoaditece icoa seete lapoli loiḡi Aneotedoḡoji

⁴ Ee João ane jidi naḡadi notaḡanaḡaxi, jidikotibige seete lapoli loiḡi Goniotagodi ane liḡeladi nipodaḡa Ásia.

Jemaa Aneotedoḡoji midioka limedi meletedaḡadomitiwaji, codaa meote mele

gadaalegenalitiwaji. Ane yoetaḡadomitiwaji niḡida, Aneotedoḡoji, Niḡijoa aniniwa, anakaaḡiniwa maleediḡicatibige me ḡodoe, codaa micota menaḡi diḡoina mokotaḡa, codaa meletedaḡadomitiwaji, codaa idi eledi anoyoetaḡadomitiwaji niḡijo anele, niḡijoa seete niwicidi ane idei lodoe nibaanco Aneotedoḡoji. ⁵⁻⁶ Codaa iniwa eledi idioka limedi meletedaḡadomitiwaji, Jesus Cristo, anidioka limedi me ikee anewi idaḡida me dawikode. Jesus Cristo daḡaxa me ḡoneḡegi caticedi niḡina eledi ane newiḡatace, codaa me iḡe inonaḡatigi niḡina iḡo. Ijaaḡijoa ḡodemaa, codaa ḡodapitaḡaditetema ḡobeyaceḡeco leeḡodi me nadooḡodi lawodi. Eote moko dinooḡiwepodi codaa iḡe ḡodaalegenali. Najigotedoḡowa, anoko loiḡi, mida ḡonaḡatetigi me jiboonḡatio eledi oko lodoe Aneotedoḡoji, ane Eliodi Jesus. Leeditibige midioka limedi me jeloḡotaḡa Jesus Cristo me daḡaxa me ḡoneḡegi, codaa mida naḡatetigi codaa mida loniciwaḡa. Odaa jiḡidaaḡee. Amém.

⁷ Digawini! Icota menaḡi niotedinece loolatedi. Inatawece oko onadi, codaa me niḡijo anoyacilotidi. Inatawece noiḡi noenaḡateloce leeḡodi lanokegi Jesus. Odaa jiḡidaaḡee. Amém.

⁸ Goniotagodi Aneotedoḡoji aneliodi loniciwaḡa, aniniwa, ane akaaḡiniwa maleediḡicoa niḡinoa aninoa, codaa icota menaḡi mokotaḡa, meete, “Ee odoejegi codaa Ee mowidijegi, iḡataḡa jeḡemaga jaote inoatawece anakaaḡinoa, codaa icota me jigodi inoatawece.”

Jesus Cristo ane diḡenataka dinikeete Joã

⁹ Ee João, ee ganioxoatiwaji. Leegodi me godexogotege Cristo, jawikodeega niḡina me jatematiiḡa Jesus Cristo me ḡoninionigi-eliodi. Codaa me idinatiḡatalo niḡinoa ḡodawikodico. Ee idiniwilo digoida lidelogo Patmos leegodi me jatematitibece Aneotedoḡoji lotaḡa, ane nelogoditedoḡowa Jesus. ¹⁰ Odaa niḡiḡo noko me noko Goniotaḡodi, Liwigo Aneotedoḡoji ja dakatiwigiji. Odaa ja jajipata ica ane ideidi digoina yowidi ane igedi me dotaḡa liciagi layaageḡegi goloneeta. ¹¹ Aneetiwa, “Ee odoeḡegi codaa mowidijegi. Jegemeḡee ane jaote inoatawece niḡinoa aninoa, codaa icota me jigodi inoatawece. Idiiteloco notaḡanaḡaxi niḡinoa ananati, odaa iwakateenitibige naḡadi notaḡanaḡaxi midiwataḡa seete lapoli loiḡi Goniotaḡodi ane liḡeladi manitaḡa nigotaḡa Éfeso, Esmirna, Pérgamo, Tiatira, Sardes, Filadélfia, Laodicéia.”

¹² Odaa ja inawiilitetege me jiwi niḡica ane idotaḡaneḡe, odaa ja jinadi seete noledaḡaxiidi oolo. ¹³ Liwigotigi niḡidiwa noledaḡaxiidi jinadi oko latopiwa niḡiḡoa Goneleegiwa ane icoḡotibigimece ditibigimedi. Dinixotinigi nijayogo ocaḡataḡa anenotinece neḡepaa loḡonaka, idiaa niḡoenḡadi oolo yakaḡotigi natecoḡodi. ¹⁴ Lamodi daḡaxa me yapacaḡa liciagi gotamoḡo. Ligecoḡe ídi me datale micataḡa niḡina ḡalewaḡa. ¹⁵ Loḡonaka liciagi aca “bronze” anoyaleḡi moyaago, odaa joḡoigixidi moyatalaḡadi. Lotagaḡeḡegi igedi micataḡa niḡina layaageḡegi niḡina ninyoḡodi ane daxoḡoke. ¹⁶ Nolitedini seete yotetedi.

Idaa nodaajo-ocagataga ane dalepe idoatawece liwailidi icoḡotiwece nioladi. Latobi datale macataga naligege yaxoḡo-noko.

¹⁷ Naḡa jinadi, odaa janitiogi loḡonaka micataga émegegi. Pida dibatediloco, odaa meetiwa, “Jinagadoii! Ee odoejegi codaa mowidijegi. ¹⁸ Ee Niḡijoa ane yewiḡa. Ideleo, pida niḡina natigide idioka limedi me idewiḡa. Odaa jiḡidaagee. (Amém.) Iciagi niḡina oko anida lakabakenaganagadi leegodi mida naḡatetigi, ida yoniciwaḡateloce némaḡa codaa aneiticoace émaḡaḡa. ¹⁹ Enice idiitedi niḡinoa ananati natigide, codaa anicota micotece. ²⁰ Jiḡijo me dinaḡaditedini, aḡica ane yowoḡodi anodaa diitigilo niḡijoa seete yotetitedi ananati ibaḡaḡadi ijaḡijoa seete noledaḡaxiidi oolo. Digawini anodaa diitigi niḡijoa seete yotetitedi, niaanḡotedi niḡidiwa seete lapoli loiigi Goniotaḡodi, odaa niḡidiwa seete noledaḡaxiidi, baḡa niḡijoa seete lapoli loiigi Goniotaḡodi.”

2

Nigeḡi ica lapo loiigi Goniotaḡodi ane idei manitaḡa nigotaḡa Éfeso

¹ Odaa meetediwa,

“Idiitema niḡinoa yotaḡatibige niaanḡo lapo loiigi Goniotaḡodi ane idei manitaḡa nigotaḡa Éfeso, lotaḡa Niḡiniwa ane nolitedini seete yotetitedi codaa anigotedigi liwigotigi niḡidiwa seete noledaḡaxiidi oolo. ² Ejitaḡawatiwaji jowoḡodi ane ḡadoenataka. Jowoḡodi meliodi mabaa, codaa madinatiitalo niḡinoa

ane dakaketaḡadomi, codaa me daḡakati madinatiitiogi oko abeyacaḡaḡa anidi ḡadiwigotigitiwaji. Jowoḡodi madineenitiogi niḡijo anodi me liḡexegi Aneotedoḡoji pida aḡewi, odaa jaḡanati me awitakaḡaḡa. ³ Jiḡixomaḡateenitedijotiwaji ḡadawikodico, codaa meliodi mawikodee Ee leeḡodi, pida aḡica daḡakaami aḡecaḡalodipi. ⁴ Pida ida ane jinaditaḡadici niḡida makaamitiwaji, aḡaleeḡademaani daḡa liciagi niḡijo jotigide maleekoka ademaani. ⁵ Odaa jipokotaḡawa manalakitibigetiwaji anodaḡeni maleekoka ademaani, adinilaanitece niḡida ḡabatiigitiwaji, odaa awiitace niḡijo anenitiwaji jotigide. Nige daḡa adinilaanitibecetiwaji, janagi, odaa inoḡatice ḡadoledaḡaxitiwaji miditaḡa ane limedi. ⁶ Pida ida aneletaḡadicitiwaji. Gadelatema loenataka niḡijoa ane liboonaḡadi ‘nicolaítatedi’, aneji me idelatema.

⁷ Ane yemaa me wajipa, dice ajipaata ane ligegitiogi Liwigo Aneotedoḡoji niḡidiwa lapoli loiigi Goniotaḡodi! Nigica ane iḡeke ane beyagi, jajigota me yakadi me yeligo ela naḡada niale aneo lewiḡa oko ane yeligo, naḡada niale ane ideidiwa lawodigijedi Aneotedoḡoji.”

Nigegi ica lapo loiigi Goniotaḡodi ane ideidi manitaḡa nigotaḡa Esmirna

⁸ Odaa meetediwa,

“Idiitema niḡinoa yotaḡatibige niaanjo lapo loiigi Goniotaḡodi ane ideidi manitaḡa nigotaḡa Esmirna, niḡinoa lotaḡa Niḡiniwa

anodoejegi codaa mowidijegi, Niḡiniwa ane yeleo, pida ja yewiḡatace. ⁹ Ejitaḡawatiwaji me jowoḡodi ane ḡadoenataka, codaa ane ḡadawikodigi, codaa jowoḡodi makaami madewetedi. (Pida digoina meetaḡa idiwa ḡaniliicaḡajeteciditiwaji). Codaa jowoḡodi niḡinoa ḡanotaḡatiwaji liwitakeco niḡidi anodi me judeutedi, pida aḡewi me judeutedi. Pida ida aneeteḡe liiakanagaḡaxi Satanás. ¹⁰ Jinaḡadoiiteḡe ḡadawikodico anenagi. Digawini! Diaabo eote liwilogojedi niḡina akaamitiwaji, ixotiwece niwilogonaḡaxi, etiḡadicinitiwaji. Odaa awikodeetiwaji deez nokododi. Pida jipokotaḡawa midioka limedi madinakatonitiwaji, icaaḡica deḡetiḡadeloatitiwaji (leḡodi maniwitici), odaa jao ḡanoḡeedi me ḡadewikitace, macataḡa naḡana lale niḡina oko nalokodeḡeḡajo, naḡa dinigaanye.

¹¹ Ane yemaa me wajipa, dice ajipaata Liwigo Aneotedoḡoji ane ligegitiogi lapoli loiigi Goniotagoḡodi. Ane iḡeke ane beyagi me diḡica deḡeyamaḡaticoace, niḡidi nige newiḡatace, odaa anawikodeeḡa miḡetaḡa nigo (nige limedi me iloikatidi Aneotedoḡoji niḡina oko leḡodi libeyaceḡeco).”

Niḡegi ica lapo loiigi Goniotagoḡodi ane idei manitaḡa niḡotaḡa Pérgamo

¹² Odaa meetediwa,

“Idiitema niḡinoa yotaḡatibige niaanjo lapo loiigi Goniotagoḡodi ane idei manitaḡa niḡotaḡa Pérgamo, niḡinoa lotaḡa niḡiniwa

anida lodaajo-ocaḡataḡa ane dalepe idoatawece liwailidi. ¹³ Ejitaḡawatiwaji me jowoḡodi ane ḡadoenataka, codaa jowoḡodi ane ḡadigeladi, anei me diiḡenataka Satanás. Jowoḡodi midioka limedi maniwiticitiwaji me diḡica mikani ḡatiwaḡatakaneeḡeḡi, idaaḡida noḡoyeloadi Antipas, niḡijo ane dawikode leeḡodi mee me niotici. Lemaḡadi digoida ane ligeladi Satanás.

¹⁴ Pida ida ane jileetaḡadomitiwaji, leeḡodi idi oko ḡadiwigotigi anodioteci liiḡaxinaḡaneḡeḡi Balaão, ane iḡaxitece Balaque anigota me ibatakati loiigi Israel niḡijo jotigide. Diiḡaxinaḡatece moyakadi moyeligo niweenigi anoiboo moiweniḡide niwicidi, codaa eledi diiḡaxinaḡatece me yakadi me dinoomatewamigipi niḡina ane daḡa dinodawamigipi. ¹⁵ Odaa jiḡidaaḡenitiwaji idi ḡadiwigotigi anodioteci liiḡaxinaḡaneḡeḡi ‘nicolaítas’ (ane liciagi Balaão me diiḡaxinaḡa). ¹⁶ Enice adinilaanitibecetiwaji! Nige daḡadinilaanitibecetiwaji, natigidawaanigi janagi makaamitaḡatiwaji, odaa ja jakapetege niḡina oko anodioteci niḡijoa nicolaítas liiḡaxinaḡaneḡeco, jibake nodaajo-ocaḡataḡa ane icoḡotiwece inioladi.

¹⁷ Ane yemaa me wajipa, dice ajipaata Liwigo Aneotedoḡoji ane ligegitiogi lapoli loiigi Goniotagodi!

Niḡina anoigeke niciniḡico, jajigotiogi niweenigi ane diḡica me jinataḡa ane icoḡotibigimece ditibigimedi. Codaa aḡaḡa

jajigotiogi wetikawaana lapacege ane diniditelooco boonagadi ane digica ane yowoogodi, iniokini nigini ane dibatege бага yowoogodi ane diitigi.”

Nigegi ica lapo loigi Goniotagodi ane ideimanitaga nigotaga Tiatira

¹⁸ Odaa meetediwa,

“Idiitema yotagatibige niaanjo lapo loigi Goniotagodi ane ideimanitaga nigotaga Tiatira, lotaga Lionigi Aneotedogoji ane idi me datale ligecooge micataga nigina galewaga, codaa logonaka macataga aca ‘bronze’ anoyalegi moyaago, odaa jogoigixidi moyatalagadi.

¹⁹ Ejitagawatiwaji me jowoogodi ane gadoenataka. Jowoogodi madinemaanitiwaji, midioka limedi madinakatoni, codaa me jowoogodi gabaketedinele, codaa madinatiitalo niginoa ane dakaketedagadomitiwaji. Jowoogodi mawiitiwaji caticedi anawii nigijo jotigide.

²⁰ Pida ida ane jileetadomitiwaji, leegodi mikani gadiwigotigi lakataga nagajo iwaalo Jezabel, anee me yelogodi ane ikeete Aneotedogoji, pida agewi. Ane diigaxinaga codaa inaletiogi iotaka me noomatewaeledi oko ane daga lodawa, codaa moyeligo niweenigi anoyajigo moiwenigide niwicidi.

²¹ Jajigota nimesi me dinilaatece libeyacegegi, pida ayemaa me ika me loomatewepodi oko ane daga lodawa. ²² Digawini! Jokoleteloco nipe nagajo iwaalo ijaagijoa loomatewepodi codaa me niginaeledi oko ane noomatewa, odaa

eliodi me nawikodeeḡa nige daḡa dinilaatece niḡida libeyaceḡegi anowo. ²³ Jinigodi niḡina lionigipi, odaa inatawece lapo loiigi Goniotagodi oyowoḡodi me negemeḡee ane jowoḡodi lowooko, codaa me niḡinoa ane lemaanaga laaleḡenali oko. Odaa jajigota oninitecibeci ina akaamitiwaji loojedi ane iḡenaga ane ḡadoenatagi.

²⁴ Pida idi eledi oko ḡadiwigotigitiwaji manitaga nigotaga Tiatira ane doḡodioteci niḡida niḡaxinaganeeḡegi ane beyagi, codaa aḡica doḡoyowoḡodi niḡica anodita ‘Ica me niḡaxinaganeeḡegi ḡoneḡegi ane dinaḡaditi, pida liḡaxinaganeeḡegi Satanás’. Ejidaḡa jiwakateetibigaḡajitiwaji gaantiḡica eledi ane jiiḡetaḡawa mawii. ²⁵ Pida niḡida anida makaamitaḡatiwaji anele, adowetiteloco, oteteni nigepaa janagi.

²⁶⁻²⁷ Niḡina ane iḡeke loniciwaga ane beyagi, codaa aneo ane jemaa nigepaa liniogo, jajigota yoniciwaga ane najigotediwa Eiodi. Odaa niḡini oko ida naḡatetigi me iḡe inoatawece ane noiika. Micataga daḡa datika laxacoḡonaḡadi ḡapileceḡe, odaa ninoketiniwace niḡina oko abeyacaḡaga micataga niḡina oko ane noyaaḡadi boote, odaa owidi liwailidi. ²⁸ Jajigota yotedi-eloodo, nigoiije.

²⁹ Ane yemaa me wajipa, dice ajipaata Liwigo Aneotedoḡoji ane ligegitiogi lapoli loiigi Goniotagodi!”

*Nigegi ica lapo loiigi Goniotagodi ane ide
manitaga nigotaga Sardes*

¹ Odaa meetediwa,

“Idiitema niginoa yotagatibige niaanjo lapo loiigi Goniotagodi ane ide manitaga nigotaga Sardes: Lotaga nigijo anidiwa seete liwicidi Aneotedoḡoji minitaga, idiaa seete yotetedi libaagadi. Jowoḡodi anawii. Modi me ḡadewikitiwaji, pida ḡadiciagi niginoa émagaga.

² Enice anoleetice codaa oniciwagati anida makaamitagatiwaji, igaataga ja leedi me ma. Igaataga jowoḡodi ḡabaketedi aigenaga lodoe Aneotedoḡoji. ³ Enice analakitibige anodaageni maleekoka ajipaatalo yotaga codaa anodaageni mabaategetiwaji, odaa anoliitini anabaatege, codaa adinilaanitece ḡabeyaceḡeco. Nige daḡadinenyagati, janagi makaamitagatiwaji micataga oliceḡegi, odaa aḡowoḡoti naḡaca lakata nige janagi makaamitagatiwaji. ⁴ Pida idi ḡadiwigotigitiwaji oko digoida Sardes ane doḡonapioyagaditeda nijayogoli. Niḡidi oko icota me yawaaligaḡawepodi odinixotinigilo nowoodi lapacoḡogoli, leeḡodi me leeditibige moiweniḡidetibigiwaji. ⁵ Niḡidi anoigeke ane beyagi, joaniḡidiaa inixomeḡetinigilo nowoodi ane yapacaga, codaa ainapitaḡadi liboonagadi maditaga notaganagaxi ane diniditeloco liboonagatedi oko anidioka limedi me newiga, aḡaleegica liniogo. Codaa lodoe Eiodi idiaa niaanjotedi, jelogodi me inepilidi niḡidi oko.

⁶ Ane yemaa me wajipa, dice ajipaata Liwigo Aneotedoḡoji ane ligegitiogi lapoli loiigi Goniotagodi!”

*Nigegi ica lapo loiigi Goniotagodi ane ide
manitaga nigotaga Filadélfia*

⁷ Odaa meetediwa,

“Idiitema niginoa yotagatibige niaanjo lapo loiigi Goniotagodi ane ide manitaga nigotaga Filadélfia: Lotaga Niginiwa anoiolatedice me dibatetema Aneotedogoji, codaa ane yakadi me jinakatonaga, Niginiwa anida lakabakenaganagadi anijo me íto Davi, lotaga nigijo oko ane yomoke epoagi odaa agica ane yakadi me nibatoo, nige nibatoo, odaa agica me yakadi me yomoke. ⁸ Jowoogodi ane gadoenatakatiwaji. Ja jomoketagadomitiwaji epoagi ane digica ane yakadi me nibatoo. Codaa jowoogodi mokatecigini gadoniciwagatiwaji, pida jogoteteni yotaga, codaa agica degenitiwaji me dagakaami inepilidi. ⁹ Digawini! Nigidi ane nebi liiakanagaxi Satanás, ane niwitakaga modi me judeutedi pida ajudeutedi, jao menagitibeci makaamitagatiwaji, odaa oyama gatedini lokotidi gadodoetiwaji metigadiwenigidenitiwaji. Odaa iditawece oyowoogodi me gademaanitiwaji. ¹⁰ Leeogodi me iwagatitiwaji iigenatakanegegi odaa adinattiitalo gadawikodico, odaa gadotetenitiwaji nigicota nagaca lakata nige inatawece oko nawikodeega, niginoa nawikodico enagi moici inatawece noiigitigi digoina iigo.

¹¹ Digawini! Aleegi odaa janagitace. Otetenitagadomitiwaji ane ganebi bidige agica ane noga ganagajegi. ¹² Nigidi anoigeke ane beyagi, jao macataga nagana lawonaga ligeladi Iniotagodi Aneotedogoji, agica daga digike anei.

Jiditeloco libikotaxedi Liboonagadi Iniotagodi Aneotedogoji codaa me liboonagadi nigotağa Iniotagodi Aneotedogoji. Nağani nigotağa jağaniaağani nağaca gela Jerusalém ane icoğotibigimece ditibigimedi, icoğotibigimece miniwatağa Iniotagodi Aneotedogoji. Jiditeloco niğini oko gela iboonagadi.

¹³ Ane yemaa me wajipa, dice ajipaata ane ligegitiogi Liwigo Aneotedogoji lapoli loiigi Goniotagodi!”

*Nigegi ica lapo loiigi Goniotagodi ane ide
manitağa nigotağa Laodicéia*

¹⁴ Odaa meetediwa,

“Idiitema yotağatibige niaanjo lapo loiigi Goniotagodi ane ide manitağa nigotağa Laodicéia: Lotağa Niğijoa ane liboonagadi ‘Jiğidaağee’, leegodi ewi me ikee anodaageeteda Aneotedogoji codaa me jakatağa me jinakatonaga ane ligegi. Jiğiniaaginiwa Aneotedogoji ane ibake meote inoatawece aninoa. ¹⁵ Jowoogodi gadoenatakatiwaji. Gadiciagitiwaji niğina ninyogodi ane degewi me dapicoğo oteğexaagaga diwete, odaa ağica aneletema. Domağa jemaa me gadiciagitiwaji anigepidigica niğijoa itoa latopaco ninyogodi, mige diwete, oğoa, domige ijo ane dapicoğo.

¹⁶ Pida leegodi me gadiciagitiwaji niğina ninyogodi anokexaa dapicağawaanigi, odaa ağakaamitiwaji ane diwete oteğexaagaga dapicoğo, odaa icota me inokotağadicitiwaji.

¹⁷ Leegodi menitibecetiwaji, ‘Oko liicotedi, inoa inoatawece ane jopooğatibige, ağica ane

aniaditibige mokotaḡa.' Pida aḡowooḡotitiwaji makaami oko awikotaagipi, madewetedi, ḡoladi, codaa mokakaamitiniwacetiwaji. ¹⁸ Enice ḡadajoinitiwaji manoojeteeta iniolo anoiwilegi minitaḡa noledi amanagawini ewi makaamitiwaji liicotedi. Codaa anoojeteeta jayogoli lapacoḡogoli amaleeḡaḡa adinixomitiwaji, odao aḡaleeḡokakaamitiniwacetiwaji oditaḡa aniboliki. Codaa anoojeteeta inipomaada lajo ḡagecoḡeli amaleeḡaḡa ewi matenitibece.

¹⁹ Niḡina ane jema, japeteḡe codaa me jiloikatidi. Enice adinoniciwaḡati maniwitici, codaa adinilaanitibecetiwaji. ²⁰ Digawini! Ite Ee epoagi, jiniditaḡawa. Nigica ane najipatiwa, odao yomoke lapoagi, jakatiwece ligeladi, odao ja igiwa.

²¹ Niḡidi anoiḡeke ane beyagi, jinode me inicoḡowepodi manitaḡa inibaanco anejote me jiiḡenataka, digo aneji me jiiḡeke ane beyagi, odao ja idicote miniwataḡa Eiodi manitaḡa nibaanco aneite me diiḡenataka.

²² Ane yemaa me wajipa, dice ajipaata ane ligegitiogi Liwigo Aneotedoḡoji lapoli loiigi Goniotaḡodi!"

4

Odigaanaḡatibigimece Aneotedoḡoji digoida ditibigimedi

¹ Naḡa nigotedini notaḡa lapoli loiigi Goniotaḡodi, naḡa jiwiticogi ida, odao jinadi ijo epoagi domoke digoida ditibigimedi. Odao niḡijo oko ane dotaḡa ane liciagi layaageḡegi goloneeta,

baanaga ijo me idotaganeege, meetiwa, “Anagi meetaga digoina ditibigimedi! Odaa jikeetağawa anicotece anigida noko.”²⁻³ Odaa ağica dağa leegi Liwigo Aneotedoğoji ja dakatiwigiji. Odaa jinadi nibaanco niğina oko ane gonegegi digoida ditibigimedi. Odaa niğini ane nicoteloco nağani baanco, latopiwa micoatağa niğinoa wetiadi ane diniwaloe, macatağa “diamante” me igeditice, acağaca “sardônio” ane ixagodi igeditice. Liniogotibece nağani baanco adi oxaago ane datale macatağa aca “esmeralda” ane dione igeditice.⁴ Liniogotibece nağani baanco idiwa eletidi 24 baancotedi, nibaanco niğinoa goneğaga. Onicoteloco 24 lacilodi odinixotinigilo lapacogogoli, codaa lacilodi idiwa laleli oolo.⁵ Nalebepağatedi icoğotiwece manitağa nağani baanco gonege, layaagegegi ica ane notaganaga codaa me layaagegegi niximağaga. Odaa lodoe nağani baanco idiwa seete noledağaxiidi ane ídi, anidiaağidiwa niğidiwa seete niwicidi anodibatema Aneotedoğoji.⁶ Lodoe nağani baanco gonege jinadi idi ane liciagi weiigi ane diğica liniogo igeditice macatağa nağana galaapa.

Liniogotibece codaa odipegitege nağani baanco gonege icoa cwaatolo ewikağa, anowidi ligecoogeli lodoe codaa me lowidi.⁷ Niğini odoejegi ewikegi liciagi ica liaon, ica eledi ewikegi bağa latopiwa alolanağa, ica eledi ewikegi latobi bağa liciagi latobi goneleegiwa, ica owidijegi ewikegi liciagi ica nitaanigo ane wayo.⁸ Oninitecibeci niğidiwa cwaatolo ewikağa idiwa seis labadi. Odaa niğidiwa labadi

noleetelogo ligecoogeli. Noko codaa menoale anotokotiniwace, modi,
 “Goniotagodi Aneotedoꝑoji ida eliodi loniciwaga, codaa agica ane beyagi miniwataga. Akaaginiwa, codaa icota menagi.”

⁹⁻¹⁰ Nigijoa cwaatolo ewikaga nigina me nigaananaga, moiwenigide, codaa modiniotagodetalo Niginiwa ane nicoteloco naꝑajo epaa nibaanco me gonegegi, nigini anidioka limedi me yewiga, oada nigijoa 24 lacilodi ja dakagitiniwace lodoe Niginiwa ane nicoteloco nibaanco me gonegegi, modi,

¹¹ “Goniotagodi Aneotedoꝑoji leeditibige me gadiwenigidenegegi codaa joꝑeegatagawa, codaa jikanagatagadici gadiigenatakanenegegi. Igaataga oeni inoatawece aninoa. Oeni inoatawece, oada idioka limedi minoa leegodi jigidaa anemaani.”

5

Lotaganagaxi Nigijoa anoiciaceeketege waxacoco

¹ Jinadi notaganagaxi liciagi nigina nilipatigi idei libaagadi Nigijoa ane nicoteloco nibaanco me gonegegi. Naꝑadi notaganagaxi dinidi idoatawece liwailidi, oyexogaꝑaditeloco seete lapadijetedi ane noxoco. ² Odaa ja jinadi ijo aanjo loniciwengenigi ane dinigetagee me digika, mee, “Amiijo anida naꝑatetigi me noꝑa lapadijetedi naꝑadi notaganagaxi me yomoke?”

³ Pida aḡica ganigetigijjo digoida ditibigimedi, oteḡexaaḡaḡa digoina iigoo, migetaḡa catinedi iigoo ane yakadi me yomoke oditaga iwi ane diniditeloco naḡadi notaḡanaḡaxi. ⁴ Eliodi me jinoetibece leegodi me diḡica anida naḡatetigi me yomoke oditaga yalomeḡeteloco aniwoteloco naḡadi notaḡanaḡaxi. ⁵ Odaa ijo onijoteci niḡidiwa 24 lacilodi meetiwa, “Jinaḡanoeni! Digawini! Niḡijjoa anoyatedigi me ‘Liaon’ anida aneeteḡe licooḡeḡi loiigi Judá, ane litaagi Davi inionigi-eliodi ḡoneḡeḡi, ja iḡeke loniciwaga némaḡa, odaa baḡa yakadi me yaaḡadi niḡidiwa seete lapadijetedi ane noxoco naḡadi notaḡanaḡaxi, odaa ja yomoke.”

⁶ Odaa ja jinadi Niḡijjoa anoiciaceeketeḡe waxacoco dabiditedi lodoe nibaanco niḡijjoa ane ḡoneḡeḡi, oyawiile niḡidiwa cwaatolo ewikaḡa, ijaaḡijjoa 24 lacilodi. Niḡijjoa Waxacoco latopiwatibige niḡijjo moyelodi. Idiwa seete libiwedi, ligecoogeli idaa liwokodi seete, anoikee niḡicoa seete liwicidi Aneotedoḡoji ane niwakateetedeloco inatawece iigoo. ⁷ Niḡijjoa anoiciaceeketeḡe Waxacoco jigigo dibate naḡajo notaḡanaḡaxi ane ideḡi libaaḡadi Niḡijjoa ane nicoteloco nibaanco me ḡoneḡeḡi.

⁸ Naḡa dibate naḡajo notaḡanaḡaxi, niḡijjoa cwaatolo ewikaḡa, ijaaḡijjoa 24 lacilodi dakagitiniwace lodoe niḡijjoa Waxacoco. Oninitecibeci niḡidiwa lacilodi ada noḡoxiḡa-liwenaga, codaa idoa nibaxiatedawaanaga oolo, nolee edokojegi, ane ikee lipoketedi noiigi ane nepilidi Aneotedoḡoji niḡina moyotaḡaneḡe.

⁹ Oigaa gela elaagi, modi,

“Daḡaxa mida ḡanaḡatetigi,
 joaniḡidaa makati mabaata naḡadi notaḡanaḡaxi,
 odaa aḡati niḡidiwa seete lapadijetedi leeḡodi
 metiḡadeloati,
 codaa leeḡodi ḡadawodi me anado,
 ane loojedi manoojeteetema Aneotedoḡoji oko,
 inoatawece ane noiika,
 inoatawece ane iolatedi niḡina iḡo,
 codaa anoicoḡoticogi inoatawece iḡotedi,
 codaa minoatawece ane latopaco oko.
¹⁰ Odaa jaḡawii mokiditece noiigi,
 odaa jiḡiḡeni laalegenali,
 codaa majicitiogi naḡatetigi modibatema
 Aneotedoḡoji,
 odaa joḡoiḡe inatawece iḡo.”

¹¹ Naḡa inoletacibige, odaa ja jajipata lapo
 nelegi aanjotedi. Oyawiile nibaanco ḡoneḡe,
 idiaaḡidiwa cwaatolo ewikaḡa, ijaaḡijoa 24
 lacilodi. Daḡaxa meliodi, ajakataḡa me
 inilaaḡataḡatiogi. ¹² Odaa dinigetataḡateetibigiwaji
 modi,

“Niḡidoa Waxacoco anoyelodi daḡaxa me
 ḡoneḡegi,
 odaa leeditibige me dibateteḡe naḡatetigi,
 niliicaḡajetecidi,
 lowooḡotakaneeḡegi,
 codaa me loniciwaga.
 Codaa leeditibige me jiweniḡidenaga,
 jocaḡanaḡatalo,
 codaa me joḡeeḡatalo niḡiniwa anoiciaceeketeḡe
 Waxacoco.”

¹³ Odaa ja jajipatiogi iditawece ane newiḡa
 digoida ditibigimedi, digoina iḡo, codaa aneite

émagaga, codaa aneitinigi akiidi-eliodi. Iditawece modi,

“Niḡiniwa ane nicoteloco nibaanco me ḡoneḡegi, idaagidoa anoiciaceeketege Waxacoco, leeditibige midioka limedi me joḡeeḡatiogi, jiweniḡidenaga, jocaḡanaḡatiogi, codaa me jikanagatece ane naḡatetigi.”

¹⁴ Odaa niḡijoa cwaatolo ewikaḡa joḡoigidi, modi, “Ewi! Jiḡidaaḡee (Amém)!” Odaa niḡijoa 24 lacilodi ja dakagitiniwace, joḡoiweniḡide niḡidi anidioka limedi me newiḡa.

6

Lapadijetedi ane noxoco naḡajo notaḡanaḡaxi

¹ Odaa ja jinadi niḡijoa Waxacoco me yaagadi niḡijo odoejegi niḡijoa seete lapadijetedi anonoxoco naḡajo notaḡanaḡaxi. Odaa ja jajipata onijoteci niḡijoa cwaatolo ewikaḡa dapaawe me dotaga micataga niḡina niximagaga, mee, “Diganagawini!” ² Naga inoletibige, odaa ja jinadi ini apolicaganaḡa lapaceḡegi. Niḡijo apolicaganaḡademigi ida lopitenigi. Odaa joḡoyajigota lale me anigaanyeḡegi. Odaa ja noditice, igo me didele, odaa ja dinigaanye.

³ Niḡidiaagidi niḡijoa Waxacoco ja yaagadi niḡijo eledi lapadijegi niḡijoa seete anonoxoco naḡajo notaḡanaḡaxi. Odaa ja jajipata ijo eledi niḡijoa cwaatolo ewikaḡa mee me dotaga, “Diganagawini!” ⁴ Odaa ja noditice apolicaganaḡa lixagoteḡegi. Odaa joḡoyajigota niḡijo apolicaganaḡademigi loniciwaga meo niḡina oko me daḡadiaa ilaḡatiwage, pida

diniwitidegetiwage, dinigodi. Codaa dibatege lodaajo-ocagataga.

⁵ Odaa nigijoa Waxacoco jigicota me itiwatadigidi yaagadi nigijoa seete lapadijeteri ane noxoco naajajo notaganagaxi. Odaa ja jajipata me dotaga nigijo eledi nigijoa cwaatolo ewikaga, mee, “Diganagawini!” Naga jiwiticogi, odaa ja jinadi apolicaganaga nabidegegi. Nigijo apolicaganagemigi ilokadita nibikotaganagate (nagana lajo moibikota liwaagatiigi ganigidi). ⁶ Odaa ja jajipata ica ane dotaga liwigotigi nigidiwa cwaatolo ewikaga, meeta, “Itoatadigida goopa leyeema licawa loojedi mabaa onidateci noko, codaa noove goopatedi ‘cevaada’ aagaga licawa loojedi mabaa onidateci noko. Pida jinaga itinegeni najidi, codaa viinyo adagaga abeyacagati!”

⁷ Nigidiaagidi nigijoa Waxacoco ja yaagadi ijo eledi nigijoa seete lapadijeteri ane noxoco naajajo notaganagaxi. Odaa ja jajipata nigijo owidijegi nigijoa cwaatolo ewikaga mee me dotaga, “Diganagawini!” ⁸ Naga inoletibige, odaa ja jinadi apolicaganaga baayo. Nigijo apolicaganagemigi liboonagadi “Nemaga”, ijaagijo ijo lokaagadi diotibeci lowidi liboonagadi “Aneiticoace emagaga, noledi ane daga ipe”. Odaa jogodibatege loniciwaga monigodi oko, oniniteci nigicoa cwaatolo liwailidi nigina iigo. Odaa jogonigodi oko, oyatita me nidelaga, nigigi, neelotika, codaa me niginoa eijedi anetigodeligo.

⁹ Odaa nigijoa Waxacoco ja yaagadi nigijo eledi lapadijegi ane noxoco naajajo notaganagaxi. Odaa

ja jiwitiwece le naḡajo nameeja “bronze”, odaa ja jinadi liwicidi niḡijoa baanaḡa nigo leeḡodi moyelḡoditedibece Aneotedoḡoji lotaḡa, codaa midioka limedi modiatece liḡaxinaganeḡegi Jesus. ¹⁰ Niḡidiwa niwicidi napaawagateloco, modi, “Akaami Goniotaḡodi ane iḡeni inoatawece, aḡica makaamitaḡa gaantokaaḡini ane beyaḡi, akaami anewi. Iḡaatigi ica nigawini anemiita idi oko digoida iḡo? Iḡaatigi nigaloikatiti niḡijo anetiḡodigodi?” ¹¹ Ijoatawece niḡijoa liwicidi niḡijo baanoḡonigodi joḡodibatege nijayogoli ocaḡatedi, lapacoḡogoli. Odaa moditiḡi, “Anipenawaanigitiniwace nigepaaḡicota me nigo niḡidi eledi, baanaḡa iolatedicoace Aneotedoḡoji monigodi, niḡidi ḡadokaḡetedipi mabaatema Goniotaḡodi, codaa me ḡanioxoadipi.”

¹² Odaa ja jinadi niḡijoa Waxacoco naḡaḡa yaaḡadi niḡijo naḡa seis lapadiḡegi ane noxoco naḡajo notagaḡaḡaxi. Odaa digawini! Ijo natalalaḡa niḡina ane yoniciwadi, yatalale inatawece iḡo. Aligeḡe ja nabidi macataḡa naḡana lipeḡeteḡe ane nabidi ane dinixotinigi ane dininya, codaa epenai jaḡaḡa ixagodi micoataḡa niḡinoa ḡodawodi. ¹³ Yotetitedi enitedinigi iḡo, micoataḡa niḡinoa niale-ela baanaḡa beyaḡi ane niwadetedini niḡina me iḡike niocodi. ¹⁴ Ditibigimedi aḡaleeḡica jinataḡa, ja ma, ja liciḡi naḡana notagaḡaḡaxi lamodi anoilipadi. Codaa inoatawece ane wetiadi nelecoli, codaa me niḡinoa lidelocotedi digike, oyetecetice ane limedi. ¹⁵ Odaa niḡinoa inionaḡa-eloodoli digoina iḡo, inoa lacilodi iodaḡawadi, inoa liicotedi, inoa anida nimaweneḡegi loniciweḡenaḡa,

inoa niotaka, inoa ane daga niotaka, iditawece domaga dinaɣaditiniwace catiwedi niɣinoa lawimaɣajetedi-wetiadi liwigotigi wetiɣa eloodo minoataga niɣinoa wetiadi nelecoli. ¹⁶ Odaa joɣodapaawetiogi niɣinoa wetiadi ane leegitibigimece niɣinoa wetiadi eloodoli, modi, “Aniitogoloco amaleeɣaga ɣodaɣategegitema Aneotedoɣoji ane nicotedeloco nibaanco miniwa me ɣonegegi, codaa niɣiniwa Waxacoco ane yelatedoɣodomi. ¹⁷ Igaataga jiɣicota noko metiɣodiloikatidi leegotedi ɣobeyacegeco, codaa aɣica ane yakadi me iwoko niɣida noko.”

7

Icoa 144 miili oko loigi Israel

¹ Niɣidiaaɣidi naga inoletibige, odaa ja jinadi cwaatolo aanjotedi dabiditiniwace onidatecibeci idiwa cwaatolo liniocidi iigo. Onolitedini niɣicoa cwaatolo latopaco niocodi digoina iigo owotibige me digicata niocodi ane yawe niɣina iigo, oteɣexaagaga akiidi-eliodi, oteɣexaagaga nialeli. ² Odaa ja jinadi eledi aanjo ditibigimece ane icogoticogi aligege menodi. Ada libikotanaganagate lajo meo nibikotaxete niɣijo oko ane nepilidi Aneotedoɣoji ewikegi. Naga dapaawetiogi niɣijoa cwaatolo aanjotedi anodibatege loniciwaga miniwataga Aneotedoɣoji mowo lawikodigi oko digoina iigo, codaa me miditaga akiidi-eliodi. ³ Odaa mee niɣijo aanjo, “Jinagawii ane beyagitema niɣina iigo, idiaa akiidi-eliodi, oteɣexaagaga niɣinoa nialeli, nigepaa jigodi me inibikota latocolodi niɣina

liotagipi Aneotedoꝑoji.” ⁴ Odaa ja jajipata ane liwokodi oko anadi nibikotaxete Aneotedoꝑoji latocolodi. Ijo 144 miili oko, anida aneetege loiigi Israel.

⁵⁻⁸ Ijoa 12 miili oko ida aneetege licoꝑegi loiigi Judá,

Ijoa 12 miili oko ida aneetege licoꝑegi loiigi Rúben,

Ijoa 12 miili oko ida aneetege licoꝑegi loiigi Gade,

Ijoa 12 miili oko ida aneetege licoꝑegi loiigi Aser,

Ijoa 12 miili oko ida aneetege licoꝑegi loiigi Naf-tali,

Ijoa 12 miili oko ida aneetege licoꝑegi loiigi Man-assés,

Ijoa 12 miili oko ida aneetege licoꝑegi loiigi Simeão,

Ijoa 12 miili oko ida aneetege licoꝑegi loiigi Levi,

Ijoa 12 miili oko ida aneetege licoꝑegi loiigi Issacar,

Ijoa 12 miili oko ida aneetege licoꝑegi loiigi Zebu-lom,

Ijoa 12 miili oko ida aneetege licoꝑegi loiigi José,

Ijoa 12 miili oko ida aneetege licoꝑegi loiigi Ben-jamim.

Lapo noiigi-nelegi

⁹ Naga ixomagatice me jinaditiogi loiigi Israel, odaa digawini! Ja jinadi noiigi-nelegi, daꝑaxa meliodi aꝑica ane yakadi me nilaꝑaditibigiwaji. Oicoꝑoticogi minoataꝑa inoatawece ane noiika, inoatawece ane iolatedi, inoatawece ane iigotedi, codaa inoatawece ane latopaco oko. Iditawece niꝑidi noiigi dabiditiniwace lodoe baanco ane nicote Aneotedoꝑoji, codaa me lodoe Waxacoco.

Iditawece odinixotinigilo nijayogoli ocaḡatedi, lapacoḡogoli. Oilokaditalo laamotiidi “palmeira”. (Oikee moiweniḡide Aneotedoḡoji). ¹⁰ Odaa napaawaḡatelo, modi,

“Goniotagoḡodi Aneotedoḡoji ane nicotedeloco epaa nibaanco,
 iniaa Waxacoco,
 joaniḡidiaa owo ḡodewiḡa.”

¹¹ Idiwatawece aanjotedi idi me dabiditiniwace oyawiile ane nicote Aneotedoḡoji, ijaḡiḡjoa 24 lacilodi, ijaḡiḡjoa cwaatolo ewikaḡa. Odaa idiwatawece aanjotedi dakagitiniwace lodoe nibaanco Aneotedoḡoji. Dakagitiniwace neḡepaa icotinigi latobi iḡo. Odaa iditawece odoḡetetalo Aneotedoḡoji. ¹² Iditawece modi,

“Jiḡidaḡee.

Jiweniḡidenaga codaa joḡeeḡatalo Goniotagoḡodi Aneotedoḡoji.

Iniotagoḡodeḡatalo,

codaa me jiweniḡidenaga leeḡodi minoa lixaketedi,

yowoḡoḡodi inoatawece,

codaa minoa nimaweneḡeco,

eliodi loniciwaga.

Idioka limedi me daḡa diniḡiteda.

Odaa jiḡidaḡee.

(Amém).”

¹³ Onijoteci niḡiḡjoa lacilodi naga idige, meetiwa, “Amiidiwa idiwa lapacoḡogomaḡa? Igame oicoḡoticḡi?”

¹⁴ Naga jiḡidi, mejita, “Ajowoḡoḡodi. Akaami boḡowoḡoḡoti, iniotagoḡodi.” Odaa jeḡeetiwa, “Niḡidi oko niḡiḡjo aneliodi me nawikodeḡa leeḡodi

Liboonagadi Goniotagodi. Oiwilegi lowoodi, oyatitalo lawodi Waxacoco, odaa ja yapacaaga. ¹⁵ Odaa joaniɣidaa leegodi midi lodoe nibaanco Aneotedoɣoji. Odaa noko codaa menoale idi me nibaaga mini ligeladi Aneotedoɣoji. Aneotedoɣoji ane nicotedeloco nibaanco doweditedeloco niɣidi oko igaataga iniwa miditaaga. ¹⁶ Odaa aɣaleegica daga nigodi nigigi, oteɣexaagaaga ecibi, oteɣexaagaaga aligege, migetaaga niɣaaga yakadi me yalegitibigiwaji. ¹⁷ Igaataaga niɣiniwa Waxacoco ane itedeloco liwigotigi nibaanco Aneotedoɣoji jeɣepaageote anoyeligo, codaa micataaga nowienoɣodi Waxacoco ilaajotedibece, yadeegitedinece ninyokotiidi anowo ɣodewiga. Odaa Aneotedoɣoji iwilegitetema inoatawece latiidi ligecoogeli.”

8

Owidijegi lapadijegi ane noxoco naɣajo notaganagaɣaxi

¹ Odaa niɣijoa Waxacoco naɣa yaagadi niɣijo owidijegi lapadijegi ane noxoco naɣajo notaganagaɣaxi, odaa ja daxixe digoida ditibigimedi, ejime meya-oora me daxixe. ² Odaa ja jinadi ijoo seete aanjotedi ane dabiditiniwace lodoe Aneotedoɣoji. Odaa joɣodibatege ijoo seete goloneetatedi.

³ Odaa niɣijo eledi aanjo jeɣenagi, odaa ja dabiditi ipegitege ajo nameeja oolo nolitini ijo baxiawaanigi oolo lajo moyetigi edokojegi. Eliodi edokojegi oyajigota me ipeketeloco nameeja oolo, liboonigitalo Aneotedoɣoji. Niɣida

edokojegi ikee niḡijoa lotaḡa niḡina noiigi ane nebi Aneotedoḡoji niḡina moyotaḡaneḡetedibece. ⁴ Odaa naḡa yabidi niḡijo edokojegi, odaa loḡocilaḡadi joḡopitedibigimece miniwataḡa Aneotedoḡoji icoḡotedicogi midataḡa niḡijo baxiawaanigi ane nolitini niḡijo aanjo, liciagi lotaḡa niḡina noiigi anida aneeteḡe Aneotedoḡoji me icotibigimece miniwataḡa Aneotedoḡoji niḡina moyotaḡaneḡetedibece. ⁵ Odaa niḡijo aanjo naḡa dibata niḡijo baxiawaanigi, odaa ja yetigi noledi ane ideḡi ditibigimedi nameeja. Odaa ja nokoletinicogi digoina iḡo. Odaa jeḡeo me dayaaḡetiogi oko, codaa eliodi niximaḡaḡa, nalebepakatedi, codaa me datalale iḡo.

Icoa ḡoloneetatedi

⁶ Niḡidiaaḡidi niḡijoa seete aanjotedi anodi-bateḡe niḡijoa seete ḡoloneetatedi ja dinilakide-tiniwace moyatetiḡilo niḡoloneetatedi.

⁷ Iḡaanaga datenaga niḡijo odoejegi aanjo, odaa ja jinadi noledi, inaa ḡalatili-eloodoli awateḡe ḡodawodi, onokoletedinicogi digoina iḡo. Odaa ja yabidi oniniteci niḡidiwa iniwatadiḡini liwailidi niḡina iḡo, yabidi nialeli, codaa me inatawece nipodigi ane dione.

⁸ Naḡa yatetigi niḡijo eledi aanjo niḡoloneeta, ini ijo ane liciagi naḡana wetiḡa ane leegit-ibigimece ane yabidi, analee oyokoletinigi akiidi-eliodi, odaa oniniteci niḡidiwa iniwatadiḡini liwailidi niḡidi ninyoḡodi ja ḡodawodi. ⁹ Odaa ja nigo oniniteci liwai, niḡidiwa iniwatadiḡini liwailidi niḡinoa ane itinigi akiidi-eliodi, codaa

oniniteci liwai niḡidiwa iniwatadiḡini liwailidi niḡicoa etogoli ja daa.

¹⁰ Odaa niḡijo eledi aanjo naḡa yatetigi nigoloneeta, odaa naḡajo yotedi nelegi ane ídi macataḡa naḡana noledaḡaxi jegeniteloco oniniteci liwai niḡidiwa iniwatadiḡini liwailidi akiititedi codaa me niḡinoa eletidi ninyokotiidi.

¹¹ Naḡajo yotedi liboonagadi “Nibayodaḡa”. Odaa oniniteci liwai niḡidiwa iniwatadiḡini liwailidi ninyokotiidi ja bayodi. Joaniḡidaa leegodi eliodi oko nigo leegodi mowacipeta niḡidiwa ninyokotiidi ane bayodi.

¹² Odaa niḡijo eledi aanjo ja yatetigi nigoloneeta. Odaa jeḡeo anigota oniniteci liwai niḡidiwa iniwatadiḡini liwailidi aligeḡe, epenai, codaa me yotetitedi. Odaa ja nexocaḡa oniniteci liwai niḡiniwa iniwatadiḡini liwailidi aligeḡe, epenai, codaa me yotetitedi, Odaa ja nexocaḡa oniniteci liwai niḡidiwa itoatadiḡida laḡaagetedi noko codaa menoale.

¹³ Niḡidiaagidi naḡa inoletacibige, odaa ja jinadi ijo nitaanigo ane wayotibece digoida ditibigimedi, dapaawe me dotaga, mee, “Nagoodi iditawece oko ane nigeladimigipitigi digoida iḡo leegodi niḡinoa baanigicotalo me ninyaco, nigicota niḡijoa eletidi itoatadiḡida aanjotedi nigaaga oyatetigilo nigoloneetatedi.”

9

¹ Naḡa ixomagatijo me jinadi niḡijo nitaanigo me wayotibece, odaa ja jinadi ijo eledi aanjo me yatetigi nigoloneeta. Odaa ja jinaditege ijo ane dinikatinigi iḡo icoḡotibigimece ditibigimedi

macataga naḡana yotedi ane wakagi. Odaa ja dibatege lakabakenaḡanaḡadi lajo me yomoke elagigi ane digicata liniogo. ² Naḡa yomoke niḡijo elagigi, odaa ja noditedice owidi ḡocilaḡadi. Odaa aligeḡe codaa minatawece ditibigimedi ja nexocaḡa leeḡodi niḡijoa ḡocilaḡadi ane noditedicogi niḡijo elagigi. ³ Ijoa ḡonipititedi awatege niḡijoa ḡocilaḡadi me noditedice, odaa joḡodinikatinigi iḡo. Odaa joḡodibatege niweneeno micataga nelá niweneeno. ⁴ Odaa joḡoyolitema doḡowo anodigota ane beyagi nawodigijedi, nialeli, codaa mokanicodaḡica enanigijegi. Pida inokina niḡina oko ane daḡacata nibikotaxete Aneotedoḡoji latocolo, boḡoikatece monojogotiniwace. ⁵ Niḡidiwa ḡonipititedi oyolitema doḡonigodi oko, pida boḡoikatece mowo me nawikodeeḡa ciinco epenaitedi. Odaa oilee nojocaḡatedi micataga niḡina me ḡodojogo nelá. ⁶ Odaa niḡidiwa ciinco epenaitedi niḡina oko domoḡodoletibige me nigo, pida aḡaleeḡica némaḡa. Domoḡoyemaa daḡa nigo, pida aḡalee nigo.

⁷ Niḡijoa ḡonipititedi liciaco micoataga niḡinoa apolicaganadi baanaḡa igotelogo me witidi. Minitaḡa lacilo ani lale liciagi naḡana nale oolo. Inoa latopidi baḡa latopiwa oko latobi. ⁸ Inoa laamotiidi ocaḡatedi liciagi iwaalo lamodi, lowe liciaco nigediogo lowe. ⁹ Elipogo liciagi naḡana oecaḡaxi ḡapileceḡe yapoḡoditini natecoḡodi. Labadi layaagaḡawa niḡinoa nagaagenali anowidi apolicaganadi anoixigi baanaḡa waleditiobece me witidi. ¹⁰ Inoa

liweka liciagi liwegi nelá. Midataga liwegi ada nibite diniweneene aneo me dawikode oko ciinco epenaitedi. ¹¹ Niḡini ninionigi ane iḡetibigiwaji, niḡijo aanjo ane dowediteloco niḡijo elagigi ane diḡicata liniogo. Niḡijo aanjo me diboonaḡatedetigi “hebraico” liboonaḡadi “Abadom”, eledi diboonaḡatedetigi “greego” liboonaḡadi “Apolião”, amina anejinaḡata “Niḡini ḡodaḡadi.”

¹² Niḡijo odoejegi nelegi nawikodigi ja ixomaḡatijo. Pida eḡenaḡiteda eletidi itoataale nelecoli nawikodico.

¹³ Odaa niḡijo eledi aanjo naḡa yatetigi nigoloneeta, odaa ja jajipata ica ane dotaḡa, ipegitege niḡidiwa cwaatolo liwailidi nameeja oolo, ane idei lodoe Aneotedoḡoji. ¹⁴ Odaa ja yotaḡaneḡe niḡijo aanjo anada nigoloneeta, meeta, “Ikanitedice niḡidiwa cwaatolo aanjotedi ane dinigoetiniwace digoida miditaga akiidi-nelegi Eufrates.” ¹⁵ Odaa ja dinikatedice niḡijoa cwaatolo aanjotedi baanaḡa nigomaḡa naḡajo lakata, ijaḡijo noko, ijaḡijo niḡijo domiingo, codaa ijaḡijo nicaḡabi. Ja nigomaḡa monigodi oniniteci liwai niḡidiwa iniwatadiḡini liwailidi inatawece oko. ¹⁶ Odaa ja jajipata ane liwokodi apolicaḡanaḡademaga ane witidi, one iniwata taalía miliaon. ¹⁷ Iḡanaḡa jinadi niḡida yakatigi ane icaa ina daḡa iḡeedi, jinadi ijoa apolicaḡanaḡademaga. Inoa noecaḡaxiidi ḡapileceḡe ane yapoḡoditini natecoḡotedi, ixagodi micataga noledi, codaa imakataḡadi macataga aca wetiḡa ane diniwaloe, anodita “safira”, iḡowi micataga ḡalewaga ane ikatice

aligopenaganene. Lacilodi niḡijoa apolicaganadi liciagi liaon lacilo. Noditedicogi niolatedi noledi, inaa ḡocilaḡadi ane lanicaḡawa aligopenaganene loḡocilaḡadi lanigi. ¹⁸ Niḡidiwa anowo ane beyagi: Noledi, ḡocilaḡadi, inaḡeletidi ḡocilaḡadi ane lanicaḡawa aligopenaganene loḡocilaḡadi lanigi, ane noditedicogi niolatedi niḡidiwa apolicaganadi, odaa joḡoyaaḡadi onijoteci liwai niḡidiwa iniwatadiḡini liwailidi oko inatawece iḡo. ¹⁹ Odatika ica notoetiḡi niḡidiwa apolicaganadi ane icoḡotiwece niolatedi, codaa inoa limiko liweka liciagi lakeedi lacilo. Odaa jiḡidaa odatika liwegi monanacilotiditi niḡidi noiḡi.

²⁰ Pida niḡijo oko ane iwoko me nigo idioka limedi ḡoika mowo ane beyagi. ḡoika modaḡatalo niwicidi abeyacaḡaḡa, niḡinoa niwicidi anonoetedi odatikata oolo, beexo, “bronze”, wetiḡa, codaa me iwoḡo. Niḡidiwa niwicidi anodaḡatalo ayatetibigiwaji, anajipaḡa oteḡexaaḡaḡa ewaligiteda. ²¹ Codaa niḡidi oko ḡalee dinilaatibigiwaji moyeloadieledi oko, oteḡexaaḡaḡa oikateda niḡinoa loxikoneḡeco, codaa ḡoika lakatigi me noomatewa niḡinoa ane daḡa lodawadipi, oteḡexaaḡaḡa me nolicaḡaeledi ḡoika.

10

Ica aanjo acaḡaca notaḡanaḡaxiawaana

¹ Odaa ja jinadieledi aanjo loniciweneḡeni, icoḡotibigimece ditibigimedi. Lowoodi ane dinanatece liciagi lolaadi, liniogotibece lacilo adi

oxaago. Latobi datale macataga aligege, laxaceli idi micataga nigina galewaga ane leegitibigimece me idi. ² Nolitini ajo notaganagaxiawaana ixake. Odaa ipodegeteloco logonagi ditibigimedi akiidi-eliodi, idaa nimagijegi ipodegeteloco iigo. ³ Odaa ja dapaawe layaagagawa nigina nigediogo me dokologoloke. Naga dapaawe, odaa jegeote seete naxacogonakatedi (micataga daga oninigodi nigijo aanjo me dotaga). ⁴ Nigijo naga jajipata nigijoa seete niximagakatedi, odaa ja domaaga jiditedi ijoa lotaga. Pida ja jajipatalo ijo nigegi icogotibigimece ditibigimedi aneetiwa me idotaganenge, “Otetenitedagadomi makamokakaami mowoogoti ane ligegi nigijoa seete niximagakatedi. Jinaga domaaga idiitedi!”

⁵ Nigidiaagidi nigijo aanjo ane jinadi me dabiditinigi ninyogodi codaa me ditibigimedi iigo, nawacetibigimece libaagadi ditibigimedi. ⁶ Odaa jegeo ligegi ibake Liboonagadi Aneotedogoji, anidioka limedi me yewiga, ane yoe ditibigimedi, iigo, codaa me akiidi-eliodi, codaa inoatawece niginoa aninoa. Odaa mee nigijo aanjo, “Agalee leegi odaa Aneotedogoji ja yaagadi nigina iigo. ⁷ Igaanige yatetigi nigoloneeta nigijo owidijegi nigijoa seete aanjotedi, odaa Aneotedogoji jegeote nigijo ane lowoogo ane digicata ane yowoogodi, nigijo ane yelogoditediogi nigijoa liotaka anoyelogoditedibece Aneotedogoji lowoko.”

⁸ Nigijo nayaagegegi ane jajipata ane icogotibigimece ditibigimedi ja jajipata, meetiwa, “Emii, abaata nagada notaganagaxiawaana ane ixake me nolitini nigida

aanjo, niḡida aanjo ane ipoditeloco akiidi-eliodi, idiaa iḡo.”

⁹ Odaa jeḡejigo midataga niḡijo aanjo, odaa ja jipokota naḡajo notaganagaaxiawaana. Odaa jeḡeetiwa, “Abaatege naḡada notaganagaaxiawaana, odaaḡelici! Yalegitigi ḡawokomaḡa, pida baḡa ilidaḡaditigi ḡanioladi micataga napigo.”

¹⁰ Odaa ja jibatege naḡajo notaganagaaxiawaana, odaa ja jeligo. Ilidaḡaditigi inioladi micataga napigo. Pida niḡidiaaḡidi naḡa jalitini, odaa ja yalegitigi iwokomaḡa. ¹¹ Odaa jeḡeetiwa niḡijo aanjo, “Leeditacibige matematii ane ligegi Aneotedoḡoji me ligegitediogi niḡina ane noiika, inoatawece ane latopaco oko, inatawece oko anodotaḡatigi eletidi iolatedi, codaa me niḡinoa inionaga-eloodoli.”

11

Icoa itoataale oko anoyatemati ica Aneotedoḡoji ane ligegitediogi inatawece okotigi niḡina iḡo

¹ Odaa joḡonajigotiwa ijo iwoḡo micataga niḡina meetilo. Odaa niḡijo aanjo naḡa dabiditi odaa jeḡeetiwa, “Adabititi, abikotani ane lica Aneotedoḡoji liḡeladi, codaa me naḡadi nameeja oolo, codaa anilaḡati niḡidi anodoḡetetalo Aneotedoḡoji catiwedi liḡeladi.

² Pida jinaḡabikotani wetice miditaga niḡoḡo Aneotedoḡoji liḡeladi, igaataga boḡoyajigotiogi niḡina noiigi ane diḡicata aneetege Aneotedoḡoji. Odaa niḡidi noiigi owote 42 epenaitedi moipoditeloco naḡani nigotaḡa

Aneotedoḡoji ane iomaḡaditedice me nebi.
³ Jimonya niḡijoa itoataale iotaka anoyeloḡodi Aneotedoḡoji ligegitediogi niḡidi noiigitigi niḡina iḡo. Odinixotinigilo jaacogoli moikee me agecaḡalodipi. Odaa igotibeci owote onaniteci miili, niḡigo 260 nokododi moyeloḡoditedibece lowooko Aneotedoḡoji.”

⁴ Odaa ijoa jinadi itoataale nialeli “oliveira” ijaaḡijoa itoataale noledaḡaxiidi ane dabiditiniwace lodoe Goniotagodi Aneotedoḡoji ane yoe niḡina iḡo, niḡidiwa jiḡijaḡijoa niḡijoa itoataale liotaka Aneotedoḡoji. ⁵ Diḡicatibece aneo ane beyagitema, odaa noditicogi noledi niolatedi moyaḡadi niḡinoa lidelaḡawadi. Odaa jiḡidaḡee me nigo niḡina ane domeḡeo ane beyagitema niḡijo itoataale. ⁶ Niḡidiwa liotaka Aneotedoḡoji ida nimaweneḡegi monoxoco ditibigimedi, owote me daḡa datiode niḡicoatigilo nokododi moyeloḡoditedibece lowooko Aneotedoḡoji. Codaa eledi ida nimaweneḡegi mowote niḡinoa ninyokotiidi me dinanatigi me ḡodawodi. Codaa ida nimaweneḡegi moniḡe lawikodico niḡina oko digoina iḡo, niḡina moyemaa mowote.

⁷ Igaanige oigodi niḡijoa itoataale liotaka Aneotedoḡoji moyeloḡoditedibece lowooko Aneotedoḡoji, odaa niḡijo eijeḡagi nelegi ane doide ja noditibige icoḡotinece niḡijo elagigi ane diḡica liniogo. Odaa ja ideleḡe niḡijoa itoataale liotaka Aneotedoḡoji, odaa aḡodiboteḡe, ja nigodi. ⁸ Igaanige nigo, odaa loolatedi jiḡidiaḡitedice mijotaḡa niladigodi naḡani nigotaḡa elodo, niḡijo anoyelite Goniotagodi moyototedeloco

nicenaḡanaḡate. Naḡani nigotaḡa owo me nikoxeedi me “Sodoma”, “Egito”. (Leeḡodi niḡicoa loenataka ane beyagi niḡidi niḡeladimigipitigi naḡani nigotaḡa). ⁹ Odaa inoatawece ane iḡḡotedi, inoatawece ane noiika, inoatawece ane iolatedi, codaa minoatawece ane latopaco oko, oiwiteloco niḡidiwa liotaka Aneotedoḡoji ane nigo, odaa aḡoika diḡica ane naligitiniwace. ¹⁰ Odaa iditawece niḡidi noiigitiḡi niḡina iḡo ninitibigiwaji leeḡodi naḡa nigo niḡidiwa liotaka Aneotedoḡoji. Codaa odinatediḡi noḡetedi leeḡodi me ninitibigiwaji. Leeḡodi niḡidiwa liotaka Aneotedoḡoji oditece niḡinoa notaḡa ane doḡoyemaateda mowajipatalo, notaḡa anowo niḡidi noiigi me nawikodeeḡa.

¹¹ Pida naḡa ixomaḡatediḡo itoatadiḡida nokododi niḡigo meeya, odaa niḡiḡo Niwigo aneo me ḡodewiḡa icoḡoticogi miniwataga Aneotedoḡoji, ja dakatiḡi, odaa ja dabiditaciniwace niḡiḡo itoataale. Odaa ijotawece niḡiḡo oko anonadi eliodi me doitibigiwaji. ¹² Odaa niḡiḡo itoataale liotaka Aneotedoḡoji joḡowajipata ligegi ica ane dapaawe icoḡotibigimece ditibigimedi, meetiḡi, “Anagitiwaji diḡoina ditibigimedi!” Eḡidaa diitigi niḡiḡo lidelaḡawadi moiwi, niḡiḡo itoataale liotaka Aneotedoḡoji joḡopitibigimece ditibigimedi oyadeḡitibigimoace oditibigimece lolaadi. ¹³ Odaa aḡica daḡa leegi ja datalale iḡo. Odaa onijoteci liwai niḡidiwa deez liwailidi nigotaḡa ja daa. Odaa ja nigo seete miili oko. Odaa niḡiḡo eledi oko ane daḡa nigo eliodi me doitibigiwaji, odaa joḡodoḡetetibigimece

Aneotedoꝑoji ane ideite ditibigimedi, modi me loniciwengenigi.

¹⁴ Odaa jigidaagee naga ixomagatijo nigijoeledi nelegi nawikodigi. Pida eginaeledi nawikodigi anicota menagi.

Owidije goloneeta

¹⁵ Odaa nigijo owidijegi aanjo ja yatetigi naga jo nigoloneeta. Odaa digoida ditibigimedi jigijo ane notaganaga napaawaꝑateloꝑo, modi,
“Natigide anida loniciwaga me iige inoatawece ane noiika,

Goniotagodi Aneotedoꝑoji iniaa Cristo, Nigijoa ane imonya meote lewiga oko. Odaa natigide idiokaanaga limedi me niigenatakanaga.”

¹⁶ Odaa nigijoa 24 lacilodi, ane niigenatakanaga, anonicoteloꝑo epaa nibaancotedi lodoe Aneotedoꝑoji, dakagitiniwace neꝑepaaꝑicotinigi latopidi iigo, modoꝑetetalo Aneotedoꝑoji. ¹⁷ Odaa modi,

“Goniotagodi Aneotedoꝑoji aneliodi
ꝑanimaweneꝑegi,
ane iigeni inoatawece,
anakaami ewikegi,
anakaꝑakaami,
codaa anicota managi,
iniotagodeeꝑataꝑawa
leꝑodi mabakeni ꝑanimaweneꝑegi nelegi,
codaa joꝑowicenaga ni me iigeni inatawece oko.

¹⁸ Nigino a ne noiika eliodi moyelataꝑadomi, pida jigicota noko maloikatiti, codaa mawini anodaꝑemiitiogi emaꝑaga.

Jigicota galakatagi mawii nogeedi nigijoa gaotaka
 anoyelogoditedibece gadowooko,
 codaa minatawece noiigi ane ganepilidi,
 nigijo anodeemitetibigagaji.
 Inatawece ane gadoiigi odibatege nogeedi,
 nigina oko ane gonegaga,
 inaagina iwikodadi ane daga gonegaga.
 Jigicota noko me aagati niginoa anoyaagadi iigo.”

¹⁹ Odaa ja domoke Aneotedogoji ligeladi
 digoida ditibigimedi, odaa ja jakadi me jinadi
 nagajo niwokodagaxi ligeladi Aneotedogoji.
 Nagajo iwokodagaxi eo me nalaगतibigogoji naga
 dinilakidetacetege Aneotedogoji nigina oko. Odaa
 jigijoa nalebepakatedi, napaawakatedi, eliodi
 niximagaga, codaa datalale iigo, ijaagijoa galatili
 nelecoli anenitedi.

12

Aca iwaalo icaagica Gowidi

¹ Odaa ja nodi digoida ditibigimedi ijo yakatigi
 nigina ane jopooga, ane digicata me jinataga
 liciagi. Jinadi iwaalo ane dinixotinigilo nowoodi
 liciagi aligege. Epenai idei natinedi logonaka,
 ipoditeloco. Lacilo ani lale anidiwa dooze
 yotetitedi. ² Nagani iwaalo ipilege, codaa me
 dacaagetibece, ja ilee le.

³ Odaa ja jinadi ijo eledi ane nodi digoida
 ditibigimedi, inaagina nigina ane joxicagatema.
 Jinadi ijo Gowidi nelegi lixagotegegi. Idiwa seete
 lacilodi, idiaa deez libiwedi. Odaa nigidiwa
 lacilodi inoa laleli (anoikee me diigenataka).

⁴ Datikata liwegi nelegi me yanikati onijoteci
 liwai nigijoa iniwatadigini liwailidi yotetitedi,

odaa ja nokoletedinigi iigo. Odaa jigidiaa dabidi lodoe nağajo iwaalo baanağa nipegi me dinigaje. Odaa jigidiaaği ja domağa nibeotege me yakaloi niğica nigaanigawaanigi degenitini. ⁵ Niğidiaağidi nağajo iwaalo ja dinigaje, goneleegiwa lionigi ane iige inoatawece ane noiika, codaa datiteteloco me iige. Pida niğijo nigaanigawaanigi joğonogaticce, oyadeegi mipegitege Aneotedoğoji, manitağa aca nibaanco gonege. ⁶ Odaa nağajo iwaalo jeełoditicogi miditağa ijo nipodigi ane diğicata niğeladimigipi, nipodigi Aneotedoğoji ane ilakidetetema nağani iwaalo, odaa jigidiaaği me doweditedeloco onaniteci miili niğigo 260 nokododi.

⁷ Odaa jigijo nidelağa digoida ditibigimedi. Miguel ijaağjoa niaanjotedi oidelege niğijo Gowidi. Odaa ja didele niğijo Gowidi laxawepodi niğjoa aagağa niaanjotedi. ⁸ Pida niğijo Gowidi ane doide aniadi me didele. Odaa niğijo Gowidi ane doide ijaağjoa niaanjotedi ağaleegoyakadi midiaağite digoida ditibigimedi. ⁹ Odaa niğijo Gowidi nelegi joğoniticoitice me ideite ditibigimedi, ijaağjoa niaanjotedi. Odaa joğonokoletinigi digoina iigo. Niğini Gowidi one niğijo lakeedi oxiiğodi ane ninaaletiniwace inatawece oko. Ane liboonagađi diaabo, Satanás (amina anejinağata “Godaxakawa”).

¹⁰ Odaa ja jajipata ijo ane dapaawe me dotağa digoida ditibigimedi, mee me dotağa, “Niğina natigide Aneotedoğoji noğatedice niğina oko me iteloco loniciwagağ godaxakawa, ikee loniciwaga, odaa ja iige inatawece oko.

Codaa Cristo Niḡijjoa ane niḡe Aneotedoḡoji meote
lewiga oko,
ikee loniciwaga.

Leegodi niḡijo ane beyagi me dotaḡatibige
ḡonioxadipi noko codaa menoale lodoe
Aneotedoḡoji,

ijaḡijo joḡonokoletini me idei ditibigimedi.

¹¹ ḡonioxadipi joḡoigeke niḡijo Gowidi odatika
loniciwaga lawodi Waxacoco (niḡijjoa ane
yeleotedoḡodomi),

codaa eledi odatika notaga aneetece Jesus.

Niḡidi ḡonioxadipi ja nigomaga
codaa me nigo leegodi Jesus.

¹² Enice aniniitibecetiwaji ane ideoni digoida
ditibigimedi,

leegodi aḡaleḡica niḡijo Gowidi
makaamitaḡatiwaji!

Pida бага dakaketaḡadomitiwaji anakaami
nigeladimigipitigi digoina iḡo,

codaa niḡinoa aninoa catinedi akiidi-eliodi.

Igaataga diaabo ja dinikatini makaamitaḡatiwaji,
codaa eliodi me deliḡide,

leegodi yowoḡodi mokateciḡidiwa nokododi me
dinikatice.”

¹³ Igaanaḡa nadi niḡijo Gowidi ane doide
noḡonokoletinigi digoina iḡo, odaa jiḡidaa
diiticogi me iatetibeci naḡajo iwaalo ane
dinigaḡetece nigaanigawaanigi. ¹⁴ Pida

joḡoyajigota naḡajo iwaalo itoataale labadi
nitaanigo nelegi owotibige me yakadi me
wayoticogi miditaḡa aneitice, nipodigi ane
digicata nigeladimigipi, aneite modowediteloco
nigepaa ixomaḡatediḡo itoatadiḡida nicaḡape

niḡigo meeya. Odaa niḡijo Gowidi ane doide, lakeedi-nelegi aḡaleeḡaca me nadi naḡajo iwaalo. ¹⁵ Odaa niḡijo lakeedi-nelegi jeḡeo me noditicogi nioladi ninyoḡodi liciagi niḡina abooḡo-ninyoḡodi walokoditece lowidi naḡajo iwaalo domeḡeotibige daḡa yakadi me yadeegi ninyoḡodi. ¹⁶ Pida iḡo yaxawa naḡajo iwaalo, ilibitece niḡijo ninyoḡodi micataḡa diḡida nioladi milibitece. ¹⁷⁻¹⁸ Odaa niḡijo lakeedi-nelegi, eliodi me yelatema naḡajo iwaalo, odaa jiḡigo ideleḡetiogi niḡijo anida aneetege licooḡegi, niḡijo anoyotete liiḡenatakaneeḡeco Aneotedoḡoji, codaa anidioka limedi moyiwaḡadi niḡijoa Jesus lotaḡa anewi.

13

Icoa iniwataale eijedi ane doide

¹ Idiaaḡejote liniogotibece akiidi-eliodi. Odaa ja jinadi ijo eijeeḡagi ane doide, icooḡtinece ninyoḡodi. Ijoa deez libiwedi, idiaa seete lacilodi. Inoa laleli midoataḡa libiwedi. Idiwatawece lacilodi inoa nidiko ane beyagi modotaḡatibige Aneotedoḡoji. ² Odaa niḡini eijeeḡagi ane beyagi liciagi nigediogo. Pida loḡonaka baḡa liciaco loḡonaka “urso”. Nioladi liciagi nioladi liaon. Odaa niḡijo oxiiḡodi lakeedi ja yajigota niḡini eijeeḡagi loniciwaḡa, yajigota nibaanco me diiḡenataka, codaa me naḡatetigi aneliodi. ³ Oniniteci lacilo niḡini eijeeḡagi micataḡa daantaḡa yeleo, pida eyewiḡa. Odaa inatawece oko odoxicetema, odaa joḡodiotibeci niḡijo eijeeḡagi ane doide. ⁴ Odaa inatawece oko

jogodogeteta niḡijo oxiiḡodi lakeedi igaataḡa jeḡepaa yajigota naḡatetigi niḡijo eijeegagi ane doide. Codaa eledi odogeteta niḡijo eijeegagi, modi, “Amiiḡo ica ane liciagi ini eijeegagi? Domigica anida nimaweneḡegi meo ane beyagitema?”

⁵ Joḡoika niḡini eijeegagi me dotagatibece dinanetibece, codaa eote lotagatibige Aneotedoḡoji niḡinoa ane beyagi, codaa ida nimaweneḡegi me diiḡenataka 42 epenaitedi. ⁶ Odaa jiḡidaa dinanatigi me beyagi me dotagatibige Aneotedoḡoji, codaa me Liboonagadi, codaa me beyagi me dotagatibige aneite Aneotedoḡoji, ica anidi digoida ditibigimedi eletidi beyagi me dotagatibige. ⁷ Odaa niḡijo eijeegagi ane doide joḡoikatece me ideleḡe Aneotedoḡoji loiigi, codaa me iḡeke. Dibateḡe loniciwaga me iḡe inoatawece ane latopaco oko, inoatawece ane noiika, codaa minoatawece ane iolatedi. ⁸ Inatawece oko digoina iḡo odogeteta niḡini eijeegagi ane doide. Idioka doḡodogeteta niḡidi oko ane idiwa liboonagatedi me diniditedini maditaga lotaganagaxi Waxacoco, niḡijoa Waxacoco anijo moyeloadi. Aneotedoḡoji eote niḡida lowoogo me iditedeloco naḡadi notaganagaxi liboonagatedi niḡidi oko aneote me newigatace. Akaagida me lowoogotetece aniḡicatibige daga yoe niḡina iḡo.

⁹ Ane yemaa me wajipa, ele me watacotece niḡinoa ane wajipatalo. ¹⁰ Niḡina ane niwilo eledi oko, icota magaga oniwilo. Niḡina ane daije ane datikata nodajo-ocaḡataḡa, icota minaagoyatita nodajo-ocaḡataḡa moyeloadi. Odaa leeditibige loiigi Aneotedoḡoji modinatitalo niḡinoa ane

lawikodico, codaa midioka limedi modiatece, codaa me degeyamagaticoace eliwaḡatakanegegi.

¹¹ Odaa ja jinadi eledi eijeegagi ane doide icoḡotinece catinedi iḡo. Idoa itoataale libiwedi liciaco micoataḡa niḡinoa waxacoco libiwedi. Pida layaagagawa niḡina Gowidi me daale, diximogo. ¹² Niḡijo eijeegagi ja ikee meliodi loniciwaḡa lodoe niḡijo odoejegi eijeegagi ane doide, codaa liciagi me yoniciwadi niḡini odoejegi. Odaa ja iḡe inatawece oko digoina iḡo modoḡeteta niḡini odoejegi eijeegagi ane ijo elaciledi ane domaga yeloadi, pida ja icí.

¹³ Niḡini eledi eijeegagi eo loenatagi niḡina ane joxicaḡatema, eo menitinigi niḡina iḡo noledi icoḡotibigimece ditibigimedi, eotibige monadi inatawece oko. ¹⁴ Odaa ja ninaaletiniwace inatawece ane noiḡi niḡina iḡo leeḡodi niḡijo anoikatece meo lodoe niḡijo odoejegi eijeegagi.

Odaa ja iḡe inatawece ane noiḡi mowo liwilanigi liciagi niḡijo odoejegi eijeegagi anoyacilotidita nodaajo-ocaḡataḡa, pida ja icí. ¹⁵ Iniaagini niḡini eijeegagi ja dibatege loniciwaḡa meo me daale niḡijo liwilanigi ane liciagi niḡijo odoejegi eijeegagi, jeḡeo niḡijo niwilanigi me yakadi me dotaga, codaa me diḡenatakatiogi monigodi niḡina oko ane doḡodoḡeteta. ¹⁶ Niḡijo eijeegagi ja iḡe inatawece oko moyexocaḡaditeloco libaagadi nige latocolo nibikotaxete niḡini odoejegi eijeegagi, aḡica liḡiameḡedi inatawece oko, ina iwikodadipi, inoa ḡoneḡaga, inoa liicotedi, inoa madewetedi, ina niotagipi, inaagina ane daga niotagipi. ¹⁷ Aḡica ane yakadi me dinoojete oteḡexaaḡaga gaantiḡidi elaanigi, nige daḡacata

nibikotaxete, mige liboonagadi, ogoa, migetaga ane liwokodi liboonagadi nigijo eijeeagagi ane doide.

¹⁸ Nigina oko leeditibige mida lixakedi me yowoogodi ane diitigi. Nigina anele lacilo бага yakadi me iwelatibige ane liwokodi liboonagadi nigijo eijeeagagi, leegodi ane liwokodi, liwokodagawa codaa ikee ane liboonagadi goneleegiwa. Odaa ane liwokodi liboonagadi 666.

14

Ica elaagi nigidi oko ane dinojetetediogi Aneotedojoji me nepilidi

¹ Naga jiwitacicogi, odaa ja jinadi nigijoa Waxacoco dabiditedi ditibigimedi aca niwetiga Sião. Miniwataga idiwa 144 miili goneleegiwadi ane diniditeloce latocolodi liboonagadi Aneotedojoji ane Eniodi. ² Odaa jajipata ica ane dotaga digoida ditibigimedi, layaagagawa nigina laxogokegegi ninyogodi ane igedi, codaa layaagagawa micataga nigina niximagaaga, codaa liciagi nigina oko eliodi anoyatetigilo nofoxigaliwenadi. ³ Nigijoa 144 miili okoli idei lodoe nagajo baanco gonege, codaa me lodoe nigijoa cwaatolo ewikaaga, ijaaqijoa 24 lacilodi. Odaa nigidiwa 144 miili okoli nigaanagaaga, oigaa gela elaagi anidiokidi me yakadi moyowoogodi, nigidi ane dinojetetediogi Aneotedojoji ane noqatedicogi liwigotigi oko digoina iigo meote me nepilidi. ⁴ Nigidi jigidiaagidi nigica oko ane dinoweditibigiwaji me yapiditibigiwaji, anigica daaga noomatewa iwaalo. Codaa odioteci naigi

anigotece nişijoa Waxacoco. Jişidiaaşidi odoejedi ane iolatedicoace Aneotedoşoji me nepilidi, codaa me nişiniwa Waxacoco maşaga nepilidi. ⁵ Aşica daşa niwitakaşa, odaa aşica lapioyaşajegi me idei lodoe nibaanco şoneşe, Aneotedoşoji.

Icoa itoatadişida aanjotedi

⁶ Nişidiaaşidi ja jinadi eledi aanjo ane leegitibigimece me wayo, yadeegi nibodigi aneetece ane ligegi Aneotedoşoji meote şobiniigi ane yemaa meote, nişida nibodigi adiniigi. Igo me yelogoditiogi nişeladimigipitigi iigo, inatawece ane noiigi, inoatawece ane noiika, inoatawece ane latopaco oko, codaa me inoatawece ane iolatedi. ⁷ Mee me dinigetaşatee, “Eemiteetibige Aneotedoşoji, codaa oşeetetaloleşodi jişiniaaşiniwa ane daşaxa me şoneşegi! Leeşodi jişicota lakata Aneotedoşoji me iwi anigotediogi oko codaa me iloikatidi. Oşeetetalotiwaji Nişiniwa ane yoe ditibigimedi, iigo, akiidi-eliodi, codaa me nişinoa ninyokotiidi-libecoli.”

⁸ Ijo eledi aanjo dioteci nişijo odoejegi, odaa mee, “Ja daa, ja diopati nigotaşa nelegi, anoyatigi me Babilônia. Yajigotiogi niviinyo inatawece noiigi, codaa iedeşetinece mowacipe. Nişida viinyo one nişicoa lidaşatakanegeco ane beyagi, me ilidaşadi me loomatewa okanicodaaşica oko.”

⁹⁻¹⁰ Ijo eledi aanjo jaşaga dioteci nişijo eledi, odaa mee me dinigetaşatee, “Nişijo oko ane doşeteta nişini eijeşagi ane doide codaa me liwigo niwilanigi, codaa ane dinibikotatece nibikotaxete libaaşadi, domige latocolo, başa

wacipeta niviinyo Aneotedoꝓoji. Niꝓica niviinyo Aneotedoꝓoji one niꝓica lélaꝓa. Micataꝓa oko me yadotinigi goopa viinyo odaa aꝓica ane yalegetetege, joaniꝓidaagee Aneotedoꝓoji yelatetema niꝓina oko, odaa ayawanaꝓaditetege lélaꝓa liwikodenatakaneeꝓegi. Iticoitedicogi migotibeci nawikodeeꝓa minitaꝓa noledi, inaa ꝓocilaꝓadi ane lanicaꝓawa aligopenaꝓaneꝓe loꝓocilaꝓadi lanigi. Niꝓidi oko nawikodeeꝓa lodoe aanjotedi anodibatema Aneotedoꝓoji, codaa me lodoe Waxacoco me iticoitedicoace.
¹¹ Niꝓidiwa ꝓocilaꝓadi aneo me nawikodeeꝓa idioka limedi me yoniciwadi me noditedice, odaa niꝓidi oko aꝓica daꝓa nipenaꝓa noko codaa menoale. Pida idioka limedi me nawikodeeꝓa, niꝓidi anodoꝓeteta eiꝓeeꝓagi ane diojo codaa me liwigo niwilanigi, codaa anadi me yadeegitibeci nibikotaxete liboonaꝓadi niꝓijo eiꝓeeꝓagi.

¹² Leeditibige niꝓidi noiigi ane iomaꝓaditedice Aneotedoꝓoji me nepilidi modiitege ane dakaketema codaa moyotete liꝓenatakaneeꝓeco Aneotedoꝓoji, codaa moyiwaꝓadi lotaꝓa Jesus, amanagaꝓawini aꝓica aneyamaꝓatice.”

¹³ Odaa ja jajipata ica anee me dotaga digoida ditibigimedi, “Idiitedini yotaꝓa: Icota me ninitibigiwaji niꝓina ane nigo niꝓina natigide leeꝓodi modiatece Goniotaꝓodi.” Odaa Aneotedoꝓoji Liwigo ja niwoditema niꝓijo ane dotaga, meeta, “Ewi! Niꝓidi oko ja nipenaꝓatema libaketedi, codaa aꝓaniaditema naꝓajegi leeꝓodi libakedi.”

Oiolaticoace oko digoina iiꝓo

14 Naga inoletacibige, odaa ja jinadi ijo lolaadi ane yapacaḡa. Odaa niḡini ane nicotelo loco niḡini lolaadi liciagi niḡijoa Goneleegiwa ane icoḡotedibigimece ditibigimedi. Ani lale oolo lacilo, codaa nolitini nodaajo ane dalepe, lajo me dakacitaka. 15 Odaa ijo eledi aanjo icoḡotiwece liḡeladi Aneotedoḡoji, odaa ja dinigetagee me dapaaweta niḡijo ane nicotelo loco lolaadi, meeta, “Akacitakanita ḡadodaajo maladienagani, leegodi jiḡicota lakata me jiladienaganaga. Leegodi niḡina iḡo jiḡicota me diniodatelo loco.” 16 Odaa niḡijo ane nicotelo loco lolaadi ja dakacitakata nodaajo digoina iḡo, odaa ja nioda okotigi niḡina iḡo, micataḡa niḡina monopilaḡaditedio nawodigijedi.

17 Odaa ijo eledi aanjo eledi icoḡotiwece liḡeladi Aneotedoḡoji digoida ditibigimedi, aagaḡa ida lodaajo ane dalepe.

18 Niḡidiaagidi ica eledi aanjo ane nowienoḡodi noledi, noditicogi maditaga Aneotedoḡoji nameeja bronze. Odaa ja dinigetagee me dapaaweta niḡijo aanjo anida nodaajo ane dalepe, odaa meeta, “Akacitakanita ḡadodaajo odaa anakagiti ligecidi ‘uuva’ digoina iḡo. Leegodi jeḡei niḡidiwa ‘uuva’.” 19 Odaa niḡijo aanjo ja dakacitakata lodaajo digoina iḡo, odaa ja nakagidi “uuva” ligecidi, odaa ja yokoletinigi aca iwokodaḡaxi nelegi, anoyelite monipodi uuvatedi, anei Aneotedoḡoji me ikee meliodi lélagatetema oko leegotedi libeyaceḡeco. 20 Odaa joḡonipoditedini “uuva” maditaga naḡajo iwokodaḡaxi wetice nigotaḡa. Odaa owidi ḡodawodi icoḡotiwece naḡadi iwokodaḡaxi,

iwidatibigimece apolicaganaga le, codaa me daligilice iwida icoa meya-taalaa leegoa.

15

Aanjotedi anonadeegi icoa seete nawikodico

¹ Niḡidiaagidi ja jinadi digoida ditibigimedi niḡina ane jopooga codaa ane yakadi me ḡodawelaḡadi. Jinadi ijoa seete aanjotedi anonadeegi ijoa seete nawikodico. Pida joḡowidijedi leegodi joḡoigoditece icoatawece nawikodico ane niwakateetedigi Aneotedoḡoji niḡina oko digoina iḡo. Yelatetema leegodi libeyaceḡeco.

² Odaa ja jinadi niḡijo ane liciagi weiigi pida galaapa ane igeditice mawatege noledi. Eledi jinadi niḡijo oko anodinigaanyetece moideleḡe niḡijo odoeḡegi eijeḡagi ijaḡijo liwigo anoiwila. Niḡidi oko aḡodinibikotata nibikotaxete, oteḡexaaḡaga niḡijoa nilakataka ane liwokodi liboonagaḡadi niḡijo eijeḡagi. Niḡidi oko dabiditiniwace miditaḡa niḡijo ane liciagi weiigi pida galaapa ane igeditice. Inoa noḡoxiḡa-liwenadi Aneotedoḡoji ane yajigotediogi.

³ Nigaanaḡanaḡa, oigaa ijo elaagi Moisés niḡijo liotagi Aneotedoḡoji ijaḡijo elaagi Waxacoco. Modi me nigaanaḡanaḡa,
 “Ḡoniotagodi Aneotedoḡoji,
 eliodi ḡadoniciwaga.

Codaa eloodoli niḡinoa ḡadoenataka ane jox-icaḡatema.

Jagaḡamaḡakaami ninionigi-eliodi noiigi ane aolaatice me ḡadoiigi.

Igenaga codaa ewi niginoa gadwooko.

⁴ Goniotagodi Aneotedogoji,

agica ini ane daga deemitetibigagaji.

Codaa agica ini ane daga dogetetagawa,

leeḡodi akamokakaamita me digicata gabatiigi

codaa makaami ane yapidi.

Inoatawece ane noiika enagitibeci makaamitaga,

odogetetagawa digoina gadodoe.

Igaataga inatawece joḡonadi niginoa gadoenataka
me igenaga.”

⁵ Odaa nigidiaagidi ja jinadi me domoke
Aneotedogoji liḡeladi digoida ditibigimedi,
jinaditiwe catiwedi le, aneitedice Aneotedogoji.

⁶ Odaa nigijoa seete aanjotedi anonadeegi
nigijoa nawikodico ja noditicoaci oicoḡotiwece
liḡeladi Aneotedogoji. Odinixotinigilo nowoodi
nigitikonagadi ane yapacaga, codaa datale,
codaa ijoa nigoenagatedi oolo ane yakaḡotigi

natecoḡotedi. ⁷ Odaa onijoteci nigijoa cwaatolo
ganigijoa mejedi ewikaga ja yajigotiogi nigijoa
seete aanjotedi onidatecibige baxiawaanigi
oolo, ane nolee ganigida ica laxegi, ane ikee
Aneotedogoji me yelatetema libeyaceḡeco nigina
oko. Aneotedogoji nigijoa anidioka limedi me

yewiga. ⁸ Odaa liḡeladi Aneotedogoji ja nolee
ḡocilaḡadi ane ikee loniciwaga Aneotedogoji,
codaa me latalaga. Odaa agaleegica ane
yakadi me dakatiwece Aneotedogoji liḡeladi
neḡepaa ixomaḡatedijo ijoatawece nigijoa seete
nawikodico anonadeegi nigijoa seete aanjotedi.

16

Icoa baxiatedawaanağa anoikee Aneotedoḡoji me yelatetema oko leegotedi libeyacegeco

¹ Niḡidiaaḡidi ja jajipata ica ane dapaawe me dotaga icoḡotiwece layaageḡegi catiwedi Aneotedoḡoji liḡeladi digoida ditibigimedi, meetiogi niḡijoa seete aanjotedi, “Emiitiwaji adootinigi iḡo niḡidoa laxedi niḡidoa seete baxiatedawaanağa, ane ikee Aneotedoḡoji me yelatetema libeyacegeco niḡina oko.”

² Odaa niḡijo odoejegi aanjo ja yadotice niḡijo nibaxiawaanigi nadotinigi digoina iḡo. Odaa ja nodi liwexegadi nelecoli anoilee niḡidi oko anadi nibikotaxete niḡijo eijeeḡagi ane doide, codaa modoḡeteta niḡijo niwigo anepaa liwilanigi niḡidi oko.

³ Odaa ijoeledi aanjo ja yadotice niḡijo aagaḡa nibaxiawaanigi nadotinigi akiidi-eliodi. Odaa niḡina ninyoḡodi ja liciagi ḡodawodi micoataga lawilota émeḡegi, odaa ja nigo inoatawece eijedi ane newiḡatinigi akiidi-eliodi.

⁴ Odaa ijoeledi aanjo jaḡaḡa yadotice nibaxiawaanigi yadotinigilo inoatawece akiititedi, inoa ninyokotiidi libecoli, odaa inoatawece ane ninyokotiidi ja liciagi ḡodawodi.

⁵ Odaa ja jajipata ijo aanjo ane doweditelogo ninyokotiidi, mee,

“Goniotagodi Aneotedoḡoji,

akaami ane iḡenağa,

codaa ḡadewiki,

codaa akaaḡakaami,

codaa icota managi,

leeḡodi mida niḡida aneni,
 oḡaa joaniḡidaa leeḡodi naḡaloikatiti niḡidi oko.

⁶ Iḡaataḡa niḡidi oko onadooḡodi lawodi noiigi
 anaolaatice me ḡadoiigi,
 codaa me lawodi niḡijo anoyeloḡoditedibece
 ḡadowooko.

Oḡaa jaḡajicitiogi ḡodawodi mowacipetalo.
 Oḡaa natigide joḡodibatege ane loojedi niḡijo loe-
 natagi ane beyagi.”

⁷ Oḡaa ja jajipata ijo nigeḡi ane icoḡotiwece
 maditaḡa Aneotedoḡoji nameeja bronze, mee me
 dotaga,

“Ewi niḡidaaḡeni Goniotaḡodi Aneotedoḡoji eliḡodi
 ḡadoniciwaga.

Codaa niḡina maloikatiti oko,
 awii niḡina anewi codaa me iḡenaga.”

⁸ Oḡaa ijo eledi aanjo jaḡaga yadotice
 nibaxiawaanigi, yadoteloco aligeḡe. Oḡaa
 aligeḡe jiḡida loniciwaga me yaleḡi inatawece
 oko micataga noledi. ⁹ Oḡaa niḡica neḡi
 lapicaḡaga ja naleḡitiniwace niḡina oko, oḡaa
 ja beyagi modotaḡatibigimece Aneotedoḡoji
 anida nimaweneḡegitetece niḡinoa nawikodico.
 Pida idokee doḡodinilaatece libeyaceḡeco, codaa
 aḡodoḡetetalo Aneotedoḡoji aneliḡodi loniciwaga.

¹⁰ Oḡaa ijo eledi aanjo ja yadotice niḡijo aagaḡa
 nibaxiawaanigi, yadoteloco ajo nibaanco ane
 nicote niḡijo eiḡeeḡagi ane doide. Oḡaa icatawece
 niḡica ane ninioxadi ane iḡe, ja nexocaḡa.
 Oḡaa niḡidi oko joḡoyowagi locexodi leeḡodi
 anoilee. ¹¹ Niḡidi oko beyagi modotaḡatibigimece
 Aneotedoḡoji ane ideite ditibigimedi leeḡodi

nişinoa anoilee, inaaşinoa liwexegadi. Pida idokee aşodinilaatece loenataka ane beyagi.

¹² Ijoeledi aanjo ja yadotice nişijo aagaşanibaxiawaanigi, yadotinigi akiidi-nelegi ane liboonagaşadi Eufrates. Odaa ja ipe, jeşeo me naigi nişijoa nionaşaa-eloodoli anoicoşoticogi nigoi. ¹³ Odaa ja jinadi ijoa itoatadişida niwicidi anowote nişinoa loenataka ane napioi. Nişidiwa niwicidi liciagi nabiatoşedi-nelecoli noditedicogi nioladi nişijo lakeedi-oxiişodi "Gowidi", ijaaşijo odoeşegi eişeeşagi ane doide, ijaaşijo awitakegi ane minaaşina ane yeloşoditedibece Aneotedoşoji lowooko. ¹⁴ Nişidiwa nabiatoşedi-nelecoli, niwicidi abeyacaşaga anowote loenataka anetişodawelaşadi. Nişidiwa iniwatadişini niwicidi igotibeci minoaşaga nişinoa nionaşaa-eloodoli inatawece iigo onodetiogi me nidelaşaga nigicota nişica noko Aneotedoşoji aneliodi nimaweneşegi nige ikee meliodi loniciwaşaga.

¹⁵ Odaa jeşee Jesus, "Digawini! Janagi micataşaga nişina olişeeşegi anoşonibeotigi, odaa ja janagi. Eliodi linikegi nişina oko ane dinowedi codaa me doweditelogo lowoodi, me doşokidatani, odaa anibolişatibigiwaji lodoeeledi oko."

¹⁶ Nişidiaaşidi nişijoa iniwatadişini niwicidi joşoyatecoşotee inionaşaa-eloodoli miditaşaga nipodigi ane liboonagaşaditigi ica ioladi hebraico "Armagedom".

¹⁷ Odaa ijo owidişegi aanjo yadoticobece nibaxiawaanigi yokoletibece nişijo laxegi. Odaa jişijo ijo ane dapaawe me doşaga

diigeticogi manitağa nağajo baanco gonege ane ideı catiwedi Aneotedoğoji liğeladi, mee niğica ane dotaga, “Ağaleegica ananiaditibige, ja igo.”¹⁸ Odaa jegeote nalebepakatedi, naxacoğonakatedi, eliodi niximagaga, codaa inoa niğicoa layaagegeco, codaa me datalale iigo. Ağica liciagi niğica natalalağa niğijo maleekokina niğina oko digoina iigo. Dağaxa me doide, ağica liciagi.¹⁹ Nağajo nigotaga eloodo iniwatadiğini liwailidi me dawalace, codaa inoatawece nigotadi digawiniteloco iigo eletidi daa. Odaa Aneotedoğoji ja nalağatigilo nağajo nelegi Babilônia, nağa yajigote nağajo nigotaga niğijo baxiawaanigi ane nolee viinyo ane ikee lawikodigi ane niwakatee leegodi meliodi me yelatetema, leegodi libeyacegeco niğidi niğeladimigipi.²⁰ Codaa inoatawece lidelocotedi ja jabalağatigilo, inoa wetiadi nelecoli eletidi ma.²¹ Codaa ğalatili eniteloco oko icogotedibigimece ditibigimedi, licawadi wetiadi nelecoli ane iwida 40 ciilo liwaagatiigi. Odaa niğina oko ja beyagi modotağatibige Aneotedoğoji leegodi niğinoa lawikodico aneote niğijoa ğalatili eloodoli, leegodi eliodi niğica lawikodigi.

17

Aca iwaalo agopeloa ane digicaadağa yowoogodi

¹ Odaa onijoteci niğijoa seete aanjotedi anijo nibaxiawaanigi neğenagi meetağa, odaa jegeetiwa, “Anagi, jikeetağawa anodaageeta nigoiloikatidi nağajo iwaalo agopeloa, ane

digicaadaḡa yowoḡodi. Naḡani iwaalo eote me nalaḡatibigogoḡi naḡajo nigotaḡa eloodo anipeḡiteḡe owidi akiititedi. ² Niḡinoa inionaḡa-eloodoli ja noomatewa naḡani iwaalo, codaa minoatawece ane noiika niḡina iiḡo nemáḡa mowacipeta niiviinyo naḡa loomatewepodi.”

³ Odaa ja dakatiwigiji Liwigo Aneotedoḡoḡi, odaa ijo aanjo ja yadeegi iwigo miditaḡa nipodigi ane yadiloteloco ane diḡica niḡeladimigipi. Jiḡidiaaḡi naḡa jinadi ajo iwaalo ane waxoditeloco niḡijo eiḡeeḡagi ane doide, lixagoteḡegi. Inatawece lolaadi niḡini eiḡeeḡagi dinidi, diniditelogo niḡinoa notaḡa ane beyagi modotaḡatibige Aneotedoḡoḡi. Niḡini eiḡeeḡagi idiwa seete lačilodi, codaa idiwa deez libiwedi. ⁴ Naḡajo iwaalo dinixotinigi lipeḡeteḡe ane ixagodi, me nolidigo lawoḡo. Anitawece nolee icoa nadinagaḡetecidi oolo, wetiadi ane diniwaloe, acaḡaḡa “pérola”. Ilokadita ijo baxiawaanigi oolo ane nolee, niḡida laxegi eo me nalaḡatibigogoḡi ijoatawece niḡijoa loenataka ane napioi niḡina me loomatewepodi ḡoneleegiwadi. ⁵ Latocolo diniditeloco boonagaḡadi, anida ane diitigi, ane dinaḡaditi, pida aḡica ane yowoḡodi. Ica boonagaḡadi one,

“Babilônia ane digicaadaḡa yowoḡodi me eliido inatawece iwaalepodi agopeloḡa, inaḡina niḡina anowo okanicodaḡica ane napioi digoina iiḡo.”

⁶ Odaa ja jinadi naḡajo iwaalo yemáḡa, yemakatiḡi me wacipetalo lawodi loiḡi Aneotedoḡoḡi, codaa me lawodi niḡijo ane nigo leeḡodi moditibece Jesus.

Niḡijo naḡa jinadi, eliodi me idawela. ⁷ Odaa ja idige niḡijo aanjo, meetiwa, “Igaamee ina manawela? Natigide ja jelogoditaḡawa anodaa di-itigi niḡida ane diḡicata ane yowoogodi, aneetece naḡajo iwaalo, ijaḡijo nicoogoladi eijeegagi ane doide, anijoa seete lacilodi, idiaa deez libiwedi. ⁸ Niḡijo eijeegagi ane doide ananati jiḡijo me yewiḡa, pida niḡina natigide aḡalee yewiḡa. Odaa icota me noditice icogotinece libegi ane diḡica liniogo, odaa jiḡigo minitaḡa noledi ane daḡa ipe. Maditaḡa lotaḡanaḡaxi Aneotedoḡoji idiwa liboonagatedi niḡica oko anidiokaanaga limedi me newiḡa. Aniḡicatibige Aneotedoḡoji daḡa yoe niḡina iigo niḡidiwa liboonagatedi me dinidite-dini. Odaa niḡijo niḡeladimigipitigi niḡina iigo ane diḡica liboonagadi maditaḡa naḡadi notagaḡaxi nawelatibigiwaji nigoiwita niḡijo eijeegagi ane doide. Niḡijo eijeegagi baanaga ijo me yewiḡa, niḡina natigide aḡalee yewiḡa. Pida icotace me dinikee.

⁹ Leeditibige mele ḡodacilo me jowoogotaḡatece anodaa diitigilo niḡinoa notaḡa ane jiditedi. Niḡidiwa seete lacilodi niḡijo eijeegagi — one niḡicoa seete lojotaḡatedi-nelecoli aneitice me nicote naḡajo iwaalo. ¹⁰ Eledi one diitigi — me icoa seete inionaga-eloodoli. Odaa ciinco jegenitiniwace, ja nigo. Pida oniniteci niḡidiwa seete eḡini me diiḡenataka, icaḡica eledi aniḡica me jinataḡa. Icota maḡaga diiḡenataka, pida aḡowidi nokododi. ¹¹ Odaa niḡijo eijeegagi ane doide baaniḡijo me yewiḡa, pida natigide aḡaleeḡica me yewiḡa, boḡone eledi inionigieliodi ane diiḡenataka nige nigotedice niḡijoa

seete. Nokaagedi niḡijoa seete, codaa eledi igo minitaḡa noledi ane daḡa ipe.

¹² Niḡijoa deez libiwedi ananati — one niḡicoa deez inionaḡa-eloodoli analee daḡa niḡenatakanaḡa, pida icota modibatege loniciwaḡa me niḡenatakanaḡa odinaxawatege niḡijo eijeegagi ane doide, aleegi, onexaa onaniteci lakata me niḡenatakanaḡa.

¹³ Idiwatawece niḡidiwa inionaḡa-eloodoli oniwoditema eledi, idokida ane lowoogo. Odaa oyajigota niḡijo eijeegagi ane doide loniciwaḡa, codaa me naḡatetigi niḡidiwa inionaḡa.

¹⁴ Odaa icota moideleḡe niḡijoa anoi-ciaceeketege Waxacoco, pida Waxacoco dinigaanyetetece, igaataḡa Niotagodi niḡinoa ane ḡoniotagododi, codaa me Ninionigi-eliodi niḡinoa inionaḡa-eloodoli. Laxawepodi niḡina anenidite-diogi, niḡina ane iomaḡaditedicoace, anidioka limedi modiatece aḡica deḡeyamaḡaticoace.”

¹⁵ Odaa niḡijo aanjo jeḡeetiwa, “Niḡijo ninyoḡodi baaniḡijo manati anei naḡajo iwaalo agopeloa me nicoteloco one inatawece ane noiigi, inoatawece ane noiika, inoatawece ane latopaco oko, codaa inoatawece ane iolatedi. ¹⁶ Codaa niḡijoa deez libiwedi ananati, ijaagijo eijeegagi ane doide oyelatema naḡani iwaalo agopeloa. Odaa icota monatetibige icoatawece niḡicoa ane nepilidi, codaa oyoladiti anitawece owo mokaḡitani. Oyeligo liboledi naḡani iwaalo, odaa nigica ane yeyaḡatice, boḡoyalegi. ¹⁷ Igaataḡa Aneotedoḡoji ixotediwece laaleḡenali eotedibige mowo niḡica ane yemaa, codaa eote midokida ane lowoogo.

Codaa eote moyemaa moyajigota loniciwaga niŋijo eijeegagi ane doide me diigenataka nigepaagicotece lotaga Aneotedoŋoji.

¹⁸ Odaa naŋajo iwaalo ananati – jonaganiaagani naŋajo nigotaŋa eloodo ane iige inoatawece in-ionaga-eloodoli inatawece iiŋo.”

18

Anodaagee naŋa daa aca Babilônia

¹ Odaa niŋidiaaŋidi ja jinadi ijo eledi aanjo me dinikatini icoŋotibigimece ditibigimedi. Eliodi loniciwaga, codaa me datale, naloteloco inatawece iiŋo. ² Odaa ja dinigetagee me dapaawe, mee,

“Ja daa, ja diopati ŋoneŋe Babilônia.

Natigide onanaŋa ligeladi niwicidi abeyacaŋaga, inaaginoa niwicidi anowote loenataka ane napioi, codaa inoatawece ane latopaco ilaagaxodi ane beyagi, ane ŋodogolotalo.

³ Igaataŋa Babilônia yajigotiŋi niviinyo inatawece noiigi, codaa iedegetinece mowacipeta niviinyo aneote me nalagatibigoŋoji niŋicoa epaa lidaŋataka ane beyagi me loomatewa okanicodaagica oko.

Niŋinoa inionaga-eloodoli digoina iiŋo eledi noomatewa.

Pida niŋinoa anoojetekaŋa jeŋepaanaŋa liicotedi leegodi nigeladimigipitigi naŋani nigotaŋa odinoojete okanicodaagica leegodi lidaŋatakaneeŋegi ane beyagi.”

⁴ Odaa ja jajipata ica eledi ane dotaḡa digoida ditibigimedi mee,

“Anotitice naḡani nigotaḡa,
akaami yoiigi!

Anotiticoace!

Adaḡawaniteḡe niḡinoa libeyaceḡeco,
codaa adaḡawaniteḡe ane lawikodico.

⁵ Igaataḡa loenataka ane beyagi ja ili,
ja liciagi niḡina niladienigi baanaḡa
leegitibigimece,

ane iwidatibigimece neḡepaa lolaadi.

Pida Aneotedoḡoji nalaḡatigilo niḡina mowotema
ane beyagi niḡina oko,
joaniḡidaa leḡodi me iloikatidi.

⁶ Ajicitatiwaji liciagi niḡijo ane yajigotaḡawa!

Oojeteeta, opilaḡati itoataale lojetedi niḡinoa loe-
nataka!

Anoleenaḡati nigoopa lacipaḡadi ane bayodi,
ane daḡaxatace me yoniciwadi,

caticedi niḡijo ane yoetaḡadomitiwaji
ḡadacipaḡadi.

⁷ Ajicitatiwaji lawikodico,

codaa me ligecaḡalogo ane liwokodi inoa nili-
icaḡajetecidi,

inoa nepilidi libinienaḡa anepaa ni-
mawenaḡajetedi.

Leeḡodi mee me dowooko,

‘Iteyo,

idicotini micataḡa deḡeyo iniona-eloodo.

Aḡeyo wajekalo,

codaa ejidiḡica doḡo-oota meyo agecaḡalo.’

8 Joaniḡidaa leeḡodi midokida noko micotalo
icoatawece lawikodico,
leelotika,
inoa ane ilee,
codaa me nigigi.
Codaa moyalegi,
oyokoletiyogi noledi.
Igaataga Goniotagodi Aneotedoḡoji ane iloikatidi
eliodi loniciwaga.

9 Niḡicoa inionaḡa-eloodolitigi niḡina iḡo ane
loomatewepodi, ane diḡicata ananiaditibige
modipegitege, joaniḡidiaa napaawaḡatelo
codaa me noenaḡatelo nigonadi ḡocilaḡadi nige
yabidi naḡani niḡotaḡa. 10 Aḡodipegita, leegita
moyototice leeḡodi odoita daḡawatege niḡida
analee lawikodigi, odaa modi,
'Nagoodo Babilônia,
nagoodo!

Akaami niḡotaḡa eloodo ane yoniciwadi.
Pida catiwedi onaniteci lakata jaḡakaami ma.'

11 Codaa niḡinoa anoojetekaḡa niḡina iḡoeledi
napaawaḡatelo codaa me noenaḡa leeḡodi
Babilônia, leeḡodi aḡaleeḡica ane dinoojetetalo
elaanaḡa. 12 Aḡaleeḡica ane dinoojeteta niolo,
nibeexo, inoa niwetiadi ane diniwaloe, aca 'pérola'
eledi wetiḡa ane diniwaloe, acaagaca lipegeteḡe
ane nipegedi anodita me nigitikonagaḡadi, codaa
acaagaca lipegeteḡe ane adi ixagodi codaa me
nolidigo lawoḡo, codaa me xeeda, oteḡexaagaḡa
niale ane ḡalaḡatigi, oteḡexaagaḡa niḡica
'marfim', codaa me niale ane dakake lojedi,
aca 'bronze', ḡapileceḡe, oteḡexaagaḡa ica
'mármore', aḡaleeḡica ane dinoojete. 13 Codaa

aḡaleegica ane dinoojete caneela, oteḡexaaḡaḡa nigomaadotedi, icaaḡica najidi aneletege lanigi niḡina moyalegi, oteḡexaaḡaḡa ica ‘mirra’, oteḡexaaḡaḡa nadokojetedi. Aḡaleegica ane dinoojeteta viinyo, oteḡexaaḡaḡa najidi, oteḡexaaḡaḡa leyeema, oteḡexaaḡaḡa lamogo leyeema, oteḡexaaḡaḡa wacali, oteḡexaaḡaḡa waxacocoli, oteḡexaaḡaḡa apolicaḡanadi, oteḡexaaḡaḡa nagaagenali, oteḡexaaḡaḡa niḡinoa niotaka anoyaa.

¹⁴ Odaa niḡijoa anoojetekaḡa modita naḡani nigotaḡa, ‘Ijoatawece niḡijoa anele aneliodi moleetibige aḡaleegicoa, ja ma. Codaa jaḡaniatitema ijoatawece ane ḡaniliicaḡajetecidi, codaa mijoatawece ane ḡanepilidi ane domaga libinienaga. Odaa aḡaleegica ḡanimaweneḡegi makati.’ ¹⁵ Niḡijoa anoojetekaḡa ja liicotedi leeḡodi niḡijo niḡeladimigipitigi naḡani nigotaḡa modinoojetetalo niḡinoa elaanaga. Niḡidiwa anoojetekaḡa dinoḡaticoace igotibeci ditigedi, odoitibige doḡoyawanagaḡaditege naḡani nigotaḡa moiloikatidi. Odaa napaawaḡateloco, codaa me nacaagaḡateloco, modi, ¹⁶ ‘Nagoodo naḡani nigotaḡa eloodo! Nagoodo!

Niḡijo niḡeladimigipi jiḡijo modinixotinigilo lipegeteḡe ane nipegedi, lipegeteḡe ane ixagodi, codaa me nolidigo lawoḡo, codaa odinanatece oolo, wetiadi ane diniwaloe, codaa me “pérola”.

¹⁷ Catiwedi onaniteci lakata aniaditema idi-watawece niliicaḡajetecidi.’

Ijoatawece niḡijoa anoiḡe etogoli, ane wiaḡeeḡatinigi ninyoḡodi, codaa minoatawece

niginoa anodibatema etogoli, inaaginoa ane eyaagitinibige akiidi-eliodi menaanaganaga, codaa me oojeteega, iditawece nigidi oko agipegitibece, ideiticoace ditigedi.

¹⁸ Igaanogonadi logocilagadi naga yabidi nagajo nigotaga, odaa ja nacaagagateloco modi, 'Agaca eledi nigotaga liciagi nagani nigotaga eloodo!'

¹⁹ Odaa jogoi lojietigi amogo inoa lacilodi (ane lakatigi moi kee magecagalodipi), odaa ja napaawagateloco codaa me nacaagagateloco, modi, 'Nagoodo nagani nigotaga eloodo ane iticoace naga liicotedi ijotawece nigijo aninoa latogoli, leegodi niginoa elaanaga anoyadeegitedibece. Catiwedi onaniteci lakata nagani nigotaga ja ma.'

²⁰ Aniniitibecetiwaji akaamitawece ane gadigeladi digoida ditibigimedi, akaamitiwaji ane gadiomagatitedicoace Aneotedogoji makaami nepilidi, codaa makaami liigexedi, codaa makaamitiwaji anelogotitedibece Aneotedogoji lowooko! Aniniitibece akaamitawecetiwaji igaataga nagajo nigotaga agaleegaca, jogoyaagadi. Aneotedogoji ja iloikatidi leegodi nigijoa loenataka ane beyagitagadomi."

²¹ Odaa ijo aanjo loniciwengenigi ja dibata ajo wetiga nelegi, ane iwaagadi, odaa ja yokoletinigi akiidi-eliodi, odaa agaleegaca me yelogo. Odaa jeege,

"Jigidaagee nigotaga eloodo Babilônia icota mon-awelagadi beyagi anodigota monogatice, odaa agaleegaca, codaa agaleegica ane nadi.

22 Odaa niḡina oko aḡaleeḡoyakadi mowajipatalo niḡijoa natenoḡododi ḡoxiiḡa-liwenaga manitaḡa naḡani nigotaḡa,

inoa enacajoli,

oteḡexaaḡaḡa anoyatetigi natena codaa me goloneeta.

Codaa aḡaleeḡica doḡowajipata layaageḡegi moyojogo leyeema madataḡa ewio.

23 Aḡaleeḡicoa noledaḡaxiidi ane nalotigi catiwedi nigotaḡa,

codaa aḡaleeḡica ane yakadi me wajipatiogi me dinotaḡaneḡe niḡina ejoogomigipi.

Niḡijoa noojetekenaga daḡaxa me ḡoneḡaḡatigi niḡina iiḡo.

Niḡina niḡeladimigipitigi naḡani nigotaḡa oninaaletiniwace inoatawece ane noiika, odatikatalo loxikoneḡeco.

24 Aneotedoḡoji iloikatidi naḡani nigotaḡa

leeḡodi catiwedi aniaḡani naḡani nigotaḡa oyakadi lawodi niḡijo anoyeloḡoditedibece Aneotedoḡoji lowooko,

codaa me lawodi niḡijo noiigi Aneotedoḡoji

ane iomaḡaditedice mepoka nepiliditeda,

codaa me lawodi ijotawece niḡijo anonigodi digoina iiḡo.”

19

1 Odaa niḡidiaḡidi ja jajipata ijo ane napaawaḡateloco me notagaḡaḡa, layaagaḡawa niḡina anelioditigi oko ane notagaḡaḡateloco digoida ditibigimedi modi,

“Ogeetetalotiwaji codaa maweniḡideni
Aneotedoḡoji!

Jiḡiniaaḡiniwa Goniotaḡodi Aneotedoḡoji ane najiḡ-
otedoḡowa gela ḡodewiḡa.

Jiḡiniaaḡiniwa aneliodi loniciwaga,
codaa meliodi me datale.

²Niḡina me iloikatidi niḡina oko ikee niḡina anewi
codaa meote niḡina ane iḡenaga.

Aneotedoḡoji iloikatidi naḡajo iwaalo aḡopeloa
ane diḡicaadaga yowoḡodi

leeḡodi loenataka ane napioi diḡoida iḡo me loo-
matewepodi oko.

Aneotedoḡoji iloikatidi

leeḡodi me niḡodi niḡijoa liotaka Aneotedoḡoji.”

³Odaa ja napaawaḡataceloco modi,

“Ogeetetalo Aneotedoḡoji

leeḡodi niḡinoa loḡocilaḡadi naḡajo niḡotaḡa
eloodo

ane yabidi idioka limedi me itedibige!”

⁴Odaa niḡijoa 24 lacilodi, ijaḡijoa cwaatolo
ewikaḡa dakagitiniwace odaa joḡodoḡetetalo
Aneotedoḡoji ane nicotedeloco nibaanco ḡoneḡe,
modi,

“Jiḡidaaḡee!

Ogeetetalo Aneotedoḡoji!”

⁵Odaa ja jajipata ica ane dotaḡa ipegiteḡe naḡajo
baanco ḡoneḡe mee me dotaḡa,

“Ogeetetalo Goniotaḡodi Aneotedoḡoji,

akaamitawece anakaami liotaka,

akaamitawece anakaami iwikodadipi,

codaa anakaami ḡoneḡaga,

akaamitawecetiwaji ane

eemiteetibige

Aneotedoḡoji!”

Lalokegi ladonegegi Waxacoco

⁶ Odaa ja jajipata ijo ane dotaga layaagaḡawa niḡina elioditiogi oko ane notaganaga, codaa me layaagaḡawa niḡina ninyoḡodi nelegi ane daxoḡoke codaa maḡaga layagaḡawa niḡinoa naxacoḡonakatedi. Modi me notaganaga, “Oḡeetetalo Aneotedoḡoji, igaataḡa Goniotaḡodi Aneotedoḡoji aneliodi loniciwaga, ja iḡe inoatawece.

⁷ Godinitibece, idinanenaḡatibece. Odaa jocaḡanaḡatalo Aneotedoḡoji. Igaataḡa jiḡicota lakata lalokegi ladonegegi Waxacoco, codaa naḡani liomaḡata me lodawa jaḡaga dinenyagaḡaditege.

⁸ Naḡani awicije liomaḡata, Aneotedoḡoji yajigote lipeḡeteḡe ane nipeḡedi, dalebepe, codaa me yapidi, lajo me dinixo. Naḡada lipeḡeteḡe ida ane diitigi, one niḡinoa loenataka ane iḡenaga niḡina oko liomaḡataka Aneotedoḡoji.”

⁹ Odaa jeḡeetiwa niḡijo aanjo, “Idiitedini niḡinoa ane yotaḡa: Ninitibigiwaji niḡina oko anonodetibigiwaji migotibeci lalokegi ladonegegi Waxacoco.” Codaa eledi meetiwa, “Niḡinoa notaḡa anejitece, Aneotedoḡoji lotaga.”

¹⁰ Odaa ja idakagitini lodoe niḡijo aanjo me domaḡa joḡeteta, pida meetiwa, “Jinogoḡeetiwa! Igaataḡa akaami iciagi ee liotaḡi Aneotedoḡoji, codaa iciagepodi ḡanioxoadipi

anoyotete niigaxinaḡaneḡegi anewi aneetece Jesus. Oḡeetetalo Aneotedoḡoji! Iḡaataga niigaxinaḡaneḡegi aneetece Jesus, latematigo aneo Liwigo Aneotedoḡoji me notaganaga niḡijo anoyeloḡoditedibece Aneotedoḡoji lowooko.”

Ijo ane waxoditeloco ica apolicaganaga lapaceḡegi

¹¹ Odaa niḡidiaḡidi ja jinaditace ditibigimedi me domoke. Odaa ja jinaditace niḡijo apolicaganaga lapaceḡegi ijaḡijo ane waxoditeloco liboonḡadi, “Niḡiniwa ane jakataḡa me jinakatonaga”, eledi liboonḡadi “Niḡiniwa ewi”. Idioka limedi me iḡenaga niḡina me iloikatidi niḡina oko, codaa niḡina me ideleḡe niḡina ane beyagi. ¹² Ligeccoḡeli ídi micataḡa niḡina ḡalewaḡa. Codaa owidi laleli nolee lacilo (ikee meliodi naḡatetigi). Idi boonḡadi ane diniditelogo, ḡiḡica ane yowoḡodi ane diitigi. Epoka yowoḡodi ane diitigi niḡida boonḡadi. ¹³ Ajo nicaapa igotigi ḡodawodi. Codaa eledi liboonḡadi me

“Aneotedoḡoji Lotaḡa.”

¹⁴ Idiwatawece niḡicoa nideleḡecajoli digoida ditibigimedi odiotece, owaxoditelogo inoa apolicaganadi lapacaḡaga, odinixotinigilo lipeḡeteḡe ane yapacaḡa, codaa me yapidi. ¹⁵ Noditicogi nioladi nodaajo-ocaḡataḡa ane dalepe, odaa jiḡidaa datikata me yaḡadi niḡinoa ane noiika, yoniciwadi me diiḡenataka. Codaa ipoditedeloco niḡinoa lidelaḡawadi iloikatidi micataḡa niḡina oko me nipodi “uuva”, ane niopaaḡaditedini me noḡa liwagedi. Odaa

jiɣidaaɣigotediogi, igaataɣa Aneotedoɣoji, aneliodi loniciwaga, eliodi me deliɣide leegotedi libeyacegeco ina oko. ¹⁶ Nicaapa codaa me loxobi diniditelo,

“Ninionigi-eliodi niɣinoa inionaɣa-eloodoli, Niotagodi niɣinoa otagododi.”

¹⁷ Odaa ja jinadi ijo aanjo ane dabiditelo aligeɣe. Odaa ja dapaawetiogi inoatawece ilaagaxodi ane leegitibigimece me wayo, meetiogi, “Anagitiwaji, adinatecoɣoteenitelo lalokegi Aneotedoɣoji me dilokotaje.

¹⁸ Anagitiwaji elici libole niɣijoa inionaɣa-eloodoli, ijoa iodaɣawadi, ijoa lacilodi ane niigenatakanaga, libole ijoa apolicaganadi lajo me niwitidaɣa, codaa ijoa apolicaganagademaga, codaa me libole inoatawece ɣoneleegiwadi, inoa niotaka, inoa ane daɣa niotaka, inoa iwikodadi, inaaɣinoa ɣoneɣaga!”

¹⁹ Odaa niɣidiaagidi ja jinadi niɣijo eiɣeeɣagi ane doide, ijaagijoa inionaɣa-eloodolitigi niɣina iigo, ijaagijoa niodaɣawadi, dinatecoɣotee moideleɣe niɣijo ane waxoditelo apolicaganaga lapacegegi, ijaagijoa aagaga niodaɣawadi.

²⁰ Odaa niɣijo eiɣeeɣagi ane doide joɣoniwilo, ijaagijo awitakegi anee me yelogoditedibece Aneotedoɣoji lowooko, aneote inoa loenataka ane joxicaɣatema lodoe niɣijo eiɣeeɣagi ane doide, aneote me ninaaletiniwace niɣijo oko anodinanatece nibikotaxete niɣijo eiɣeeɣagi codaa modogeteta niwilanigi anowo me liwigo. Odaa niɣijo eiɣeeɣagi ijaagijo niɣijo ane ninaaletiniwace oko oyokoletinece elagigi nelegi aneite noledi ane daɣa ipe, inaa ɣocilaɣadi ane lanicaɣawa

aligopenaaganegge logocilaḡadi lanigi. ²¹ Odaa niḡijo ane yeyaḡaticoace anoyaxawa niḡijo eijeeḡagi ane doide me didele, niḡidi bogonigodi oyatitiogi nodaajo-ocaḡataḡa ane noditicogi nioladi niḡijo ane waxoditeloco apolicaḡanaga lapaceḡegi. Odaa inoatawece ane ilaagaxodi oyeligo liboledi neḡepaa daḡadiaaḡoyakadi moyeligo.

20

Icoa onaniteci miili nicaaḡape

¹ Jinadi ijo aanjo icoḡotibigimece ditibigimedi, ilokadi lakabakenaḡanagaḡadi libato niḡijo elagigi ane diḡicata liniogo, codaa eledi ilokadita ijo galeena ane iwaagadi. ² Odaa ja dibata niḡijo eijeeḡagi ane doide, niḡijo lakeedi oxiiḡodi, niḡijo Gowidi iniaaḡini diaabo, Satanás. Odaa niḡijo aanjo ja niwilo icoatigilo onaniteci miili nicaaḡape. ³ Odaa ja yokoletinece diaabo niḡijo elagigi ane diḡica liniogo, odaa ja nibatoo, noxocotege, eotibige me daḡadiaa yakadi me ninaaletiniwace noiigi nigepaa ixomaḡatedijo niḡicoa onaniteci miili nicaaḡape. Nige ixomaḡatedijo niḡicoa onaniteci miili nicaaḡape, odaa dinikanawaanigitice, pida aleegi, onateciḡidiwa nokododi.

⁴ Niḡidiaaḡidi ja jinadi idiwa baancotedi ḡoneḡaga. Odaa niḡidi anonicotelogo odibatege naḡatetigi moiwi codaa modiigenataka moiloikatidi oko. Eledi jinadi liwicidi niḡijo anonakagidi lotoinaḡatedi leegodi moyelogoḡitibece anewi ane nikeetedoḡowa

Jesus, codaa me lotaḡa Aneotedoḡoji. Niḡidi aḡica doḡoiweniḡide niḡijo eijeegagi ane diojo, oteḡexaaḡaḡa niḡijo niwilanigi anowo me liwigo, codaa aḡaca nibikotaxete latocolo miḡetaḡa libaaḡadi. Opitace me newiḡa, odaa ja niḡenatakanaga ijaa Cristo, niḡidiwatigilo onaniteci miili nicaaḡape. ⁵ Niḡida noko, odoejegi noko me newiḡatace émaḡaḡa, pida aḡinoatawece émaḡaḡa newiḡa. Idiwa eletidi émaḡaḡa baadaḡa newiḡatace nigepaa ixomaḡatedijo icoa onaniteci miili nicaaḡape. ⁶ Ninitibigiwaji niḡina oko ane odoejegipi me newiḡatace. Aneotedoḡoji iomaḡaditedicoace niḡidi oko mepoka nepiliditeda. Odaa némaḡa aḡaleegica loniciwaḡateloce, aḡalee nigo. Icota mida naḡatetigi mowote libaketedi Aneotedoḡoji iniaa Cristo. Odaa niḡidi oko ja niḡenatakanaga iniaa Cristo niḡidiwatigilo onaniteci miili nicaaḡape.

Satanás aniadi

⁷ Nige ixomaḡatedijo niḡidiwa onaniteci miili nicaaḡape, odaa Satanás joḡoikanawaanigitice moniwilo. ⁸ Odaa noditice me ninaaletiniwace noiigi inatawece iḡo, niḡijo noiigi ane liboonagaḡi Gogue iniaa Magogue (one diitigi me lakapetedi Aneotedoḡoji). Satanás yatecogotee me iwitideḡe, odaa elioditiogi micataḡa niḡina dotiwadi, ane daḡa jakataḡa me jinilaagaḡa. ⁹ Odaa ilaagiteloce inatawece iḡo, oyawiile anei Aneotedoḡoji loiigi, codaa me naḡajo nigotaḡa ane lemaana Aneotedoḡoji. Pida noledi dinikatiogi icoḡotibigimece ditibigimedi, odaa yaagaḡaditiogi niḡidi anonawiile. ¹⁰ Odaa diaabo ane

ninaaletiniwace oko joḡoyokoletigi noledi nelegi micataḡa weiigi ane icogotediwece ḡocilaḡadi ane lanicaḡawa aligopenaḡaneḡe loḡocilaḡadi lanigi baanogoyokoleticogi niḡijo eijeegagi ane diojo, ijaagijo ane diwitaka anee me liotagi Aneotedoḡoji ane yelogoditedibece lowooko. Odaa idiokaanaga limedi me nawikodeeḡa, noko codaa menoale.

Ica owidijegi nawikodigi

¹¹ Odaa ja jinaditace naḡajo baanco ḡoneḡe, yapacaḡa. Odaa jinadi Niḡiniwa ane nicotedeloco. liḡo codaa me ditibigimedi ja ialetibigiwaji me ide i lodoe, odaa aḡaleegicoa. ¹² Odaa ja jinadi niḡijoa émaḡaḡa, ijoa ḡoneḡaḡa, ijaagijoa iwikodadi, dabiditiniwace lodoe Aneotedoḡoji. Odaa joḡoyomoke ijoa lotaḡanaḡaxiidi Aneotedoḡoji. Niḡidiaaḡidi joḡoyomoke eledi notagaḡanaḡaxi, naḡadi notagaḡanaḡaxi iwotelogo liboonagaḡatedi niḡijo anidioka limedi me newiḡa. Odaa Niḡijoa ane nicoteloco nibaanco ḡoneḡe ja iwi ane loenataka émaḡaḡa ane diniditelogo notagaḡanaḡaxiidi. ¹³ Niḡidiwa émaḡaḡa oicogotinigi akiidi-eliodi, apiḡotedi, codaa aneiticoace émaḡaḡa. Odaa iditawece oiwi oninitecibeci niḡica ane loenatagi. ¹⁴ Odaa ja ma némaḡa codaa aneiticoace ja ma, oyaladiticogi midataḡa noledi libegi. Niḡida noledi libegi joaniḡidaaḡida niḡica eledi ḡodemaga ane diḡica liniogo. ¹⁵ Niḡijo ane diḡica liboonagaḡadi me diniditeloco naḡajo notagaḡanaḡaxi ane diniditeloco liboonagaḡatedi niḡica anidioka limedi me newiḡa, niḡini oko oyokoletinigi niḡida noledi libegi.

21

Ica gela ditibigimedi icaagica gela iigo

¹ Odaa ja jinadi gela ditibigimedi codaa me gela iigo. Leegodi nigijo odoejegi ditibigimedi, ijaagijo odoejegi iigo agaleegicoa, codaa me akiideliiodieledi agaleegica. ² Eledi jinadi ani nigotaga Aneotedogoji ane yoe me nebi, gela Jerusalém, ane icogotibigimece ditibigimedi miniwataga Aneotedogoji. Jaganadi codaa ja igo macataga naana awicije ane wado, odaa ja nibeotege me dakapetege lodawa. ³ Odaa ja jajipata ica ane igedi me dotaga digoida ditibigimedi, mee, “Digawini!

Ligeladi Aneotedogoji idei minataga nigina oko, odaa noiiigiwepodi, ja loiigi.

Iniaaginiwa Aneotedogoji ideite miditaga, codaa me Noenogodi.

⁴ Iwilegitetema icoatawece latiidi.

Codaa agaleegica ane yeleo, agica ligecagalogo, agaleegica daga noenaga, codaa agaleegica anoilee.

Leegodi nigicoa jotigide anee ja ixomagatedijo.”

⁵ Odaa Aneotedogoji ane nicotedeloco nibaanco me gonegegi mee, “Inoatawece jigelatidi.” Odaa meetediwa, “Idiitedini niginoa yotaga leegodi ewi, codaa nigina oko oyakadi monakato.” ⁶ Odaa meetediwa, “Inoatawece ja igo. Ee odoejegi, codaa mowidijegi, leegodi jegemaga yoenataka inoatawece, codaa ja jigodi inoatawece. Nigina ane yeloadi ecibi jajigota ninyogodi ane daga

ḡonoojedi, aneo oko me daḡadiaaḡica liniogo me yewiḡa. ⁷ Niḡina ane iḡeke ane beyaḡi, dibateḡe inoatawece meetaḡa. Odaa Ee Noenoḡodi, codaa niḡini ionigi. ⁸ Pida niḡina ane daḡaca laaleḡena me niotici, codaa niḡina ane diḡica me idinakato, codaa anowo ane napioi ane ḡodogolota, codaa ḡonematagododi, codaa niḡina ane loomatewa okanicodaḡica oko, inoa oxikonaaḡaḡa, inoa an-odaḡata niwicidi, inoa awitakaḡa, iditawece niḡidi idei niḡica ane leeditibige me iticoace midataḡa noledi libegi aninoa ḡocilaḡadi ane lanicaḡawa aligopenaaḡaneḡe loḡocilaḡadi lanigi. Niḡica anei owidijegi némaḡa ane diḡica liniogo.”

Aca gela Jerusalém

⁹ Odaa onijoteci niḡijoa seete aanjotedi anonolitedi niḡijoa seete baxiatedawaanaḡa ane nolee niḡijoa owidijedi nawikodico jeḡenagi meetaḡa, meetiwa, “Anagi, jikeetaḡawa naḡani ane gela me wado, lodawa Waxacoco.” ¹⁰ Odaa ja dakatiwigiji Aneotedoḡoji Liwigo, ja idadeegitibeci, odaa niḡijo aanjo ja yadeegi iwigo, yadeegitibigimece ditibigimedi ani wetiḡa ane leegitibigimece. Odaa ja nikeetiwa naḡani nigotaḡa nelegi, Jerusalém ane yoe Aneotedoḡoji me nebi. Naḡani nigotaḡa icoḡotibigimece ditibigimedi miniwataḡa Aneotedoḡoji. ¹¹ Naḡani nigotaḡa datale liciagi Aneotedoḡoji me datale, codaa datale macataḡa aca wetiḡa ane igeditice ane diniwaloe, liboonaaḡadi “Jaspe”. ¹² Idi niwilanigi ane niotaa naḡani nigotaḡa, leegitibigimece codaa me nelegi. Idoa dooze lapoaco, idiaa dooze

aanjotedi oyowie niḡidoa epoaco. Odaa niḡidoa epoaco diniditeloco liboonagatedi niḡijoa dooze lionigipi Israel. ¹³ Idoa itoatadiḡida epoaco diḡeticogi nigoi, itoatadiḡida diḡetege niocodi wajenaga, itoatadiḡida diḡetege niocodi niwetaḡa, itoatadiḡida diḡetege ḡocidi. ¹⁴ Niḡidi niwilanigi ane niotaa naḡani nigotaḡa oipodeḡeteloco dooze wetiadi. Niḡidiwa wetiadi diniditeloco liboonagatedi niḡijoa dooze liḡexedi Waxacoco.

¹⁵ Niḡijo aanjo ane idotaḡaneḡe ida libikotanaḡanaḡadi oolo lajo me ibikota ane lica naḡani nigotaḡa, lapoaco, codaa me niḡidi niwilanigi. ¹⁶ Naḡani nigotaḡa diniwokodaḡaxiide, idoatawece liwailidi idokida ane locaḡatiigi. Niḡijo aanjo ibikotata niḡijo libikotanaḡanaḡadi odaa locaḡatiigi dibata iniwata miili niḡigo iniwata taalia ciloomito (icoa romaanotedi libikotanaḡaneḡegi boḡone dooze miili.) Idokida ane locaḡatiigi moibikota liwailidi codaa me locaḡatiigi migo ditibigimedi. ¹⁷ Niḡijo aanjo eledi ibikota niḡijo niwilanigi, odaa dibatalo 64 meetilo (romaanotedi libikotanaḡaneḡegi boḡone 144), pida niḡijo aanjo baḡa ibake ane ḡobikotanaḡaneḡegi. ¹⁸ Niḡidi niwilanigi oyatita aca wetiḡa ane diniwaloe moyoe, ane liboonagadi “Jaspe”, aniaa nigotaḡa moyoe oyatita oolo ane igeditice macataḡa galaapa. ¹⁹⁻²⁰ Niwetiadi lipodaḡaladi niḡidi niwilanigi onadineḡeta inoatawece ane latopaco wetiadi ane diniwaloe. Niḡicoa wetiadi anoibake, liboonagatedi Jaspe, Safira, Ágata, Esmeralda, Sardônio, Sárdio, Crisólito, Berilo, Topázio, Crisópraso, Jacinto,

Ametista. ²¹ Niḡijoa lapoaco one dooze pérola. Onidatecibeci epoagi one onaniteci aca pérola. Odaa niladigodi naḡani nigotaḡa one oolo ane yapidi, ane igeditice macataḡa galaapa.

²² Aḡica jinadi manitaḡa naḡani nigotaḡa diḡini epaa liḡeladi Aneotedoḡoji. Leeḡodi Goniotagoḡodi Aneotedoḡoji anida eliodi nimaweneḡegi iniaa Waxacoco yeloḡotibigiwaji okanicodaḡica ane liwai nigotaḡa. (Joaniḡidaa leeḡodi me doḡoyopotibige liḡeladi anei modoḡetetiogi).

²³ Naḡani nigotaḡa ayopotibige aligeḡe oteḡexaaḡaga epenai me naloteloco, leeḡodi Aneotedoḡoji aneliodi me datale, nalotedeloco, codaa natalaḡa ane icogotigi minitaḡa Waxacoco yatalaḡadi nigotaḡa. ²⁴ Odaa niḡijo noiigi anidioka limedi me newiḡa ewaligitibigiwaji me datalaḡateloco naḡani nigotaḡa. Odaa niḡinoa inionaḡa-eloodolitigi niḡina iḡo onadeegita niliicaḡajetecidi naḡani nigotaḡa moiweniḡide.

²⁵ Lapoaco naḡani nigotaḡa idioka limedi me domoke idatawece noko. Adinoxoco leeḡodi aḡaleeḡica enoale. ²⁶ Odaa noiigi onadeegita naḡani nigotaḡa niliicaḡajetecidi monelecaḡatee codaa moiweniḡide. ²⁷ Odaa adakatio niḡina oko aneo ane beyagi, oteḡexaaḡaga niḡina ane noomatewa okanicodaḡica oko, oteḡexaaḡaga awitakaḡaga. Idioka dakatiobece niḡijo anidiwa liboonagaḡedi me diniditelogo lotaḡanaḡaxi Waxacoco, aneite liboonagaḡedi niḡica baanaga idioka limedi me newiḡa.

22

¹ Odaa niḡijo aanjo ja nikeetiwa akiidi ane

yapidi ninyogodi aneo oko me newiḡa aḡica liniogo. Niḡidi akiidi icogotiwece nibaanco Aneotedoḡoji iniaa Waxacoco. ² Codaa niḡidi akiidi yakagiditeloco liwigotigi niladigodi naḡani nigotaḡa. Liniogotibece niḡidi akiidi, idiwa nialeli etaye aneo oko lewiḡa. Yajigo dooze latopaco elali inoatawece nicaaḡape, oniniteci epenai ida ane latopagi elali. Codaa laamotiidi naḡada niale lajo me icilatidi noiigi. ³ Aḡica gaantokaagini ane beyagi catiwedi naḡani nigotaḡa. Leegodi nibaanco Aneotedoḡoji iniaa Waxacoco idei manitaḡa naḡani nigotaḡa. Odaa liotaka odoḡetetalo leegodi niḡinoa libaketedi anowotema. ⁴ Odaa onadi Aneotedoḡoji latobi, codaa Liboonagadi Aneotedoḡoji diniditeloco latocolo niḡina oko. ⁵ Odaa aḡaleeḡica enoale, codaa aḡaleeḡoyopotibige noledaḡaxiidi oteḡexaaḡaḡa aligeḡe, leegodi Goniotagodi Aneotedoḡoji jiḡiniaa lokokena. Codaa liotaka aḡaḡa niḡenatakanaga oyaxawa Aneotedoḡoji. Idioka limedi me niḡenatakanaga, aḡica liniogo.

Ica lanokegi Jesus

⁶ Odaa meetiwa niḡijo aanjo, “Niḡinoa notaḡa ewi, codaa me yakadi me jinakatonaga. Goniotagodi Aneotedoḡoji, anepaa iomaḡaditetema mepoka nepiliditeda niḡijo ane yeloḡoditedibece lowooko, iḡe niaanjo me ikeetiogi liotaka niḡica anicota micota anigida noko aḡalee leegi.”

⁷ Jesus meetediwa, “Diganajipaatiwa! Janagi aḡica daḡa leegi. Odaa ninitibigiwaji niḡina

anoyiwaḡadi lotaḡa naḡadi notagaḡaḡaxi ane ikee niḡica anicota anigida noko.”

⁸ Ee João jajipata codaa me jinadi niḡicoa anicotalo anigida noko. Naḡa ixomaḡatice me jajipatiogi codaa me jinadi niḡijoa anica ina daḡa iḡeedi, oḡaa ja idakagitini lodoe niḡijoa aanjo ane nikeetiwa anicota anigida noko, oḡaa ja domaga joḡeteta. ⁹ Pida meetiwa, “Jinogaḡeetetiwa, akaami iciaceekawa ee liotagi Aneotedoḡoji, codaa me ee ḡadokaḡedi mabaa, codaa me ee lokaḡedi ḡanioxoadipi anoyeloḡoditedibece Aneotedoḡoji lowooko, codaa minatawece anoyiwaḡadi lotaḡa naḡadi notagaḡaḡaxi. Oḡeetetalo iniokiniwateda Aneotedoḡoji!”

¹⁰ Meetiwa niḡijoa aanjo, “Jinagaḡatitedini ane lotaḡa naḡadi notagaḡaḡaxi anoditece niḡica ane-nagi, leeḡodi niḡica noko nigicotece niḡinoḡa ananati ja niḡegi. ¹¹ Niḡina oko ane beyagi, dioki epaaḡeo ane beyagi, niḡina aneo ane napioi, dioki epaaḡeo ane napioi. Niḡina oko anele, dioki epaaḡeo anele, codaa niḡina Aneotedoḡoji ane iomaḡaditedice mepoka nebiteda, dioki epaa din-iomaḡaditice.”

¹² Jesus mee, “Digawini! Aleegi oḡaa janagi. Jinadeegi ane iḡenaḡa me dibatege oninitecibeci oko, loojedi niḡicoa ane loenataka. ¹³ Ee oḡoejegi codaa mowidijegi. Leeḡodi jeḡemaḡa joe niḡijoa oḡoejedi aninoḡa, codaa jigodi inoatawece.

¹⁴ Ninitibigiwaji niḡina anowote ane liigenatakanegeco Aneotedoḡoji, leeḡodi yajigotediogi moyakadi moyeligo ela naḡajo niale aneo oko lewiḡa ane diḡica liniogo,

codaa yajigotediogi moyakadi modakatiwece lapoaco nagani nigotaḡa. ¹⁵ Pida ideiticoace wetice nigotaḡa, niḡinoa abeyacaḡaḡa ane daḡa nepiliditeda Aneotedoḡoji, inoa oxikonagaḡa, inoa ane noomatewa ane daḡa nodawa, inoa ḡonematagododi, codaa niḡina anodoḡeteta niwicidi, codaa niḡina anoninaaletiniwace eledi oko leeḡodi lotaḡa codaa ane loenataka.

¹⁶ Ee Jesus, jiniḡe iniaanjo me yeloḡoditagawatiwaji niḡinoa yotaḡa anewi, anakaami seete lapo loiḡi Aneotedoḡoji ane ḡadigeladitiwaji nipodigi Ásia. Ee Niḡijoa anida aneeteḡe licoḡegi inionigi-eliodi Davi. Iciagi naḡajo yotedi nigoiḡe ane datale.”

¹⁷ Aneotedoḡoji Liwigo aniaa naḡajo anicota me wado modi, “Anagi!” Odaa niḡina anowajipata niḡida ligegi eledi modi, “Anagi!”

Ane ḡadeloati ecibi, anagi! Codaa anemaani macipe, acipe ninyoḡodi ane ḡanoḡeedi, ninyoḡodi aneo oko lewiḡa ane diḡica liniogo miniwataḡa Aneotedoḡoji!

Owidijedi notaḡa

¹⁸ Ee João jao ḡadeemiditiwaji anajipaatalo lotaḡa naḡadi notagaḡaxi ane ikee anicota anigida noko. Niḡica ane ixotiwece eletidi notaḡa naḡadi notagaḡaxi, Aneotedoḡoji yajigote lawikodico, nawikodico aneetece naḡadi notagaḡaxi. ¹⁹ Niḡica ane noḡatedice notaḡa aniwoteloco naḡadi notagaḡaxi, notaḡa anoikee anicota ganigida noko, Aneotedoḡoji noḡa me yakadi me yeligo naḡajo niale ela aneo oko lewiḡa ane diḡicata liniogo miniwataḡa, codaa me noḡa

me yakadi me dakatiwece nigotağa Aneotedoĝoji anepoka nebiteda, domağa nimaweneĝegi me yakadi diniditeloco naĝadi notaĝanaĝaxi.

²⁰ Niĝijoa ane yeloĝodi niĝinoa notağa ane wi aniwoteloco naĝadi notaĝanaĝaxi mee, “Ewi me dağa leegi, oĝaa ja janagi.” Jiĝidaaĝee! (Amém).

Anagi Goniotagoĝodi Jesus!

²¹ Jemaa Goniotagoĝodi Jesus meliodi meletedaĝadomitiwaji. Oĝaa jiĝidaaĝee! (Amém).

Gela Liwai Lotaganaḡaxi Aneotedoḡoji New Testament in Kadiwéu (BR:kbc:Kadiwéu)

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 13 Jul 2024 from source files
dated 29 Jan 2022
7128a549-e957-5460-8c56-0f5281edf264